

玉海



漢制載於史者先儒攷之詳矣其見他書者未之攷也嘗謂法始乎伏羲而成乎堯三代損益至周大備夫子從周與從先進之言所謂百世可知者其法著于春秋東遷之初先王典章槩有存者義稭柜鬯之賚王命猶重也司徒緇衣之美王官猶賢也祭仲論京不度過制之城猶未衆也無駭卒始請族世官之敝猶未遠也泰山有禘則巡守之蹟猶可復也九宗五正有後則封建之制猶可尋也師服之言建國滅僖伯之諫觀魚則據經守古之士猶多也春秋何爲而作乎宰嚭歸賄天衷民彘大泯亂春秋所以始歟

於獻六羽於稅畝皆曰初於丘甲於三軍皆曰作於南門於雉門及兩觀皆曰新作夫子蓋傷之也秦作西時臚於郊祀魯惠公請郊禘史角實往而祀禮始矣其後齊作內政而兵制變晉作爰田而田制變晉作執秩而官制變鄭鑄刑書而刑制變大夫奏肆夏季氏旅泰山晉不知殺丞魯不知尙羔禮幾亡矣然名卿大夫講聞固實三代文獻藹如也納鼎有諫此社有諫申繻名子之對里革斷罟之規御孫別男女之費管仲辭上卿之饗柳下季之述祀典單襄公之述夏令秩官魏絳之述夏訓虞箴邾子能言紀官

州鳩能言七律子革倚相能誦祈招懿戒觀射父之
陳祭祀閔馬父之稱商頌格言猷訓粲然可睹齊虞
人之守官魯宗人之守禮懍懍秋霜夏日之嚴劉子
所云天地之中子產所云天地之經胥臣敬德之聚
晏子禮之善物又皆識其大者統紀相承淵原相續
得夏時坤乾見易象魯春秋而知三代之禮所以扶
持於未墜者豈一人之力哉戰國去籍之餘孟子言
井地曰大略言班爵祿曰聞其略言諸侯喪禮曰未
學而嘗聞若其宏綱丕式因略而致詳推舊而爲新
聖人復起不能易也春秋大復古譏變古井牧變而

阡陌畿服變而郡縣車乘變而步騎什一變而箕歛
佩玉變而帶劔簋席變而杯案生民之理有窮則聖
王之法可改古其不可復乎是意唯太史公知之於
夏殷紀舉孔子正夏時善殷輅卓然見損益之要指
於高帝紀曰朝以十月車服黃屋左纛蓋歎其襲秦
也漢之止於爲漢自高帝之襲秦始雖然兩漢之制
文中子奚取焉吁三代遠矣漢詔令人主自親其文
猶近於書之典誥也郎衛執戟之用儒生猶近於王
宮之士庶子也可徒府有百官朝會殿以決大事猶
近於外朝之詢衆也牧守有子孫郡國有辟舉庶幾

建侯之舊丞相進見御坐爲起在輿爲下庶幾敬臣
之意三老掌教化孝悌力田置常員鄉遂之流風遺
韻亦間見焉是之取爾君子尙論古之人以爲漢去
古未遠諸儒佔畢訓故之學雖未盡識三代舊典而
以漢制證遺經猶幸有傳注在也冕服車旗彝器之
類多以叔孫通禮器制度爲據其所臆度無以名之
則謂若今某物及唐儒爲疏義又謂去漢久遠唯漢
法亦不可攷蓋自西晉板蕩之後見聞放失習俗流
敗漢世之名物稱謂知者鮮焉况帝王制作之法象
意義乎此漢制之僅存於傳述者不可忽不之攷也

愚少嘗有聞老弗敢墜因紬次爲編以俟後之君子
自流遡原三代之禮庶乎其可識矣辛巳夏五子王
子序

漢制攷卷第一

汝儀王應麟伯厚甫

周禮

胥徒注此民給徭役者若今衛士矣 疏衛士亦給徭役故舉漢法況之

貢禹傳諸離宮及長樂宮衛可減太半實縣役膳夫注今時美物曰珍膳

酒人注奄今謂之宦人 古者從坐男女没入縣官

爲奴其少才知以爲奚今之侍史官婢或曰奚官

女。疏侍史官婢。舉漢法言之。或曰官女者。漢時有此別號。案左氏。晉惠公之女名妾。稱爲官女。謂宦事秦公子。亦云官女也。

貢禹傳。諸官奴婢十萬餘人。

天府注。天府爲王治藏之長。若今司農矣。疏漢時

司農主府藏。故史游章云。司農少府國之淵。

司會注。司會主天下之大計。計官之長。若今尚書。

疏漢之尚書亦主人計。故舉以况之也。

成帝紀。建始四年。罷中書官。官初置尚書。負五

職內注職內主入也。若今之泉所入，謂之少內。
漢之少內亦主泉所入。案王氏漢官解云：小官
夫各擅其職，謂倉庫少內、畜夫之屬，各自擅其
理所職主。由此言之，少內藏聚似今之少府，但官
卑職碎，以少為名。

丙吉傳：少內畜夫。白吉曰：食皇孫亡。詔令注云：
少內掖庭主府臧之官也。

大宰八灋注：鄭司農云：官屬謂六官，其屬各六十。若
今博士、大史、大宰、大祝、大樂屬大常也。疏：漢始
叔孫通為奉常，後改為大常。

八則注祿若今月奉也 疏古者祿皆月別給之漢
之月奉亦月給之

九職注鄭司農云間民謂無事業者轉移爲人執事
若今傭賃也

九賦注賦口率出泉也今之筭泉民或謂之賦此其
舊名與 疏漢法民年二十五已上至六十出口
賦錢人百二十以爲筭

食貨志董仲舒曰田租口賦二十倍於古 重

禹傳古民亡賦筭口錢起武帝征伐四夷重賦於
民民產子三歲則出口錢故民重困宜令免七

歲去齒乃出口錢年二十乃筭元帝令民產子
七歲乃出口錢 鹽鐵論田雖三十而以頃畝
出稅加之以口賦更繇之役 理道要訣漢高
帝每歲人常賦百二十錢至孝文時省儉減至
四十武帝事邊費廣人產子三歲則出口錢孝
宣減人筭三十孝成減四十光武有產子復以
三年之筭

關市山澤謂占會百物幣餘占賣國中之斥幣皆未
作當增賦者若令賈人倍筭矣

小宰注宮刑在王宮中者之刑建明布告之糾猶割

漢制卷一
也祭也若今御史中丞 疏應劭云秩千石朝會
獨坐副貳御史大夫內掌蘭臺圖籍外督刺史料
察百寮故舉漢法況之

八成注鄭司農云質劑謂市中平賈今時月平是也

平音

病

傳別質劑皆今之券書也

歲終則令群吏致事注使齎歲盡文書來至若今上
計 疏漢之朝集使謂之上計吏謂上一年計會
文書及功狀也

憲禁于王宮注憲謂表縣之若今新有法令云

辛夫八職注治要若歲計也治凡若月計也治日若今日計也

贊治若今起文書草也 疏起文書草乃後判決是爲贊治之法

治敘次序官中如今侍曹五伯傳吏朝也 疏漢時五人爲伍伯長也是五人之長言傳吏朝者傳在朝羣吏諸官事務於朝也胥於什長亦然故舉漢法況之也

書其能者與其良者注鄭司農云若今時舉孝廉賢良方正茂才異等 疏孝廉者謂孝弟廉潔賢良

卽經中良者謂有賢行而良善也云方正者人雖無別行而有方幅正直者也云茂才者漢光武諱秀時號爲茂才卽經云能者也云異等者四科不同等級各異故云異等

官正次舍注次諸吏直宿若今部署諸廬者舍其所居寺

史記秦紀衛令曰用廬設卒甚謹西京賦曰徼道外周千廬內傳胡廣曰衛士於周垣下爲區廬

幾其出入注鄭司農云若今時宮中有罪禁止不得

出亦不得入及無引籍不得入宮司馬殿門也
疏今時謂漢法言引籍者有門籍及引人及得出
入也又云司馬殿門者漢宮殿門每門皆使司馬
一人守門比千石皆號司馬殿門也

元帝紀令從官給事官司馬中者得爲大父母
父母兄弟通籍應劭曰籍者爲二尺竹牒設其
年紀名字物色縣之宮門案省相應乃得入也
顏師古曰司馬門者宮之外門也衛尉有八屯
衛戾司馬主衛士徼巡宿衛每面各二司馬故
謂宮之外門爲司馬門漢書嬰傳太后除嬰門籍

不得朝請王嘉傳爲郎坐戶殿門失闌免梁孝
王傳梁之侍中郎謁者著引籍出入天子殿門
與漢宦官亡異

凡邦之事蹕注鄭司農云國有事王當出則官正王
禁絕行者若今時衛士填街蹕也 疏漢儀大駕
行幸使衛士填塞街巷以止行人備非常也

官伯凡在版者注鄭司農云版名籍也以版爲之今
時鄉戶籍謂之戶版

以時頒其衣裳注衣裳若今賦冬夏衣 疏夏時班
衣冬時班裘賦班也皆賜授之義

庖人共祭祀之好羞注謂四時所爲膳食若荊州之
鱧魚青州之蟹胥雖非常物進之孝也 疏鄭見

當時有之

身韻蟹醢四夜切

外饗饗士庶子注士庶子衛王宮者若今時之饗衛
士矣

王尊傳正月行幸曲臺臨饗罷衛士如淳曰諸
衛士更盡得代去故天子自臨而饗之和熹鄧
后紀舊事歲終當饗遣衛士注蓋寬饒傳歲盡
交代上臨饗罷衛卒是也

亨人注燹今之竈 疏周禮儀禮皆言燹論語王孫

漢書卷一
賈云寧媚於竈祭法天子七祀之中亦言竈自孔子已後皆言竈

腊人乾肉注大物解肆乾之謂之乾肉若今涼州烏翅矣

瘍醫五毒注今醫方有五毒之藥

酒正五齊注泛者成而滓浮泛泛然如今宜成醪矣醴猶體也成而汁滓相將如今恬酒矣益猶翁也成而翁然葱白色如今鄮白矣鄮在何反緹者成而紅赤如今下酒矣沈者成而滓沈如今造清矣

疏宜成說以爲地名故曹植酒賦曰宜成醴醪蒼

梧縹清若馬融所云今之宜成會稽稻米清似宜成以爲酒名故劉杳要雅亦以宜成爲酒名二者未知孰是恬酒於五齊中爲恬故以恬酒況之鄮釋文卽今之白醴酒也宜作醴作鄮假借也白漢時蕭何所封地名鄮

下酒謂曹床下酒其色紅赤故以緹名之案鄭下

注五伯緹衣亦赤黑色也造清漢時造清孰則滓

沈故以況沈齊也

三酒注事酒酌有事者之酒其酒則今之醴酒也昔酒今之首久白酒所謂舊醴者也清酒今中山冬釀接夏而成 䟽事酒冬釀春成以漢之釀酒况

之昔謂久酋亦遠久之義故以漢之首久白酒泥
之但昔酒對事酒爲清若對清酒則爲白故云酋
久白酒也晉語云味厚實昔毒酒久則毒也昔酒
爲久冬釀接春清酒久於昔酒自然接夏也中山
郡名故魏都賦云醇酎中山沈湑千日

四飲注漿今之載漿也醅今之粥

載昨再反

疏載之言

載米汁相載漢時名爲載漿內則有黍醅醅飲粥
稀者之清也

大祭三貳中祭再貳小祭壹貳注益之者以飲諸臣
若今常滿尊也 疏言益之故常滿故以漢法況

之

漿人六飲注涼今寒粥若糗飯雜水也 䟽案內則
飲內有濫無涼彼鄭云以周禮六飲枝之則濫涼
也紀莒之間名諸爲濫言諸者非一之義內則名
涼爲濫參驗相當

凌人治鑑注鑑如甄大口以盛冰置食物于中以御
溫氣 䟽漢時名爲甄卽今之甕是也

夷槃注漢禮器制度大槃廣八尺長丈二尺深三尺
漆赤中 䟽叔孫通前漢時作漢禮器制度多得

古之周制故鄭君依而用之也周謂之夷槃漢謂

之大槃是別代異名

喪大記注漢禮大盤廣八尺長丈二浚三尺赤中夷盤小焉

邊人注籩竹器如豆者其容實皆四升

疏依漢禮

器制度而知也

朝事之籩注鮑者於糲室中糲乾之出於江淮鱸者析乾之出東海 疏鄭以目驗知之言糲室者謂

糲土爲室

今河間以北煮種麥賣之名曰逢燕人膾魚方寸切其腴以啗所貴 疏引漢法證麩亦是熬煮之麥引時事證臠亦是腹腴以擬祭與啗貴者同也

饋食之遵注饋食薦孰也今吉禮存者特牲少牢諸

矣之大夫士祭禮也 疏天子諸侯祭祀之禮亡
醢人饋食之豆豚拍注鄭大夫杜子春云今河間名
豚脅聲如鍛鑄

鹽人飴鹽注鹽之恬者今戎鹽有焉 疏卽石鹽是也
幕人注帟王在幕若幄中坐上承塵

掌次皇邸注鄭司農云皇羽覆上邸後版也玄謂後
版屏風與染羽象鳳凰羽色以爲之 疏言後版
者謂爲大方版於坐後畫爲斧文言屏風者據漢
法況之無正文故言與以疑之

外府掌邦布之入出注布泉也布讀如宣布之布其

藏曰泉其行曰布取名於水泉其流行無不徧泉始蓋一品周景王鑄大泉而有二品後數變易不復識本制至漢唯有五銖久行王莽改貨而異作泉布多至十品今存於民間多者有貨布大泉貨泉貨布長二寸五分廣寸首長八分有奇廣八分其圓好徑二分半足枝長八分其右文曰貨左文曰布重二十五銖直貨泉二十五大泉徑一寸二分重十二銖文曰大泉直十五貨泉徑一寸重五銖右文曰貨左曰泉直一也

疏漢書食貨志

周景王時患泉輕將更鑄大泉單穆公曰不可王

不聽鑄大泉文曰寶貨漢興爲秦泉重難用更令
民鑄榆莢錢至孝文有司言榆莢三銖輕易姦詐
請鑄五銖至王莽居攝變漢制更造大泉徑寸二
分重一十二銖文曰大泉直五十又造契刀形如
刀直五寸又造錯刀以黃金錯其文曰一刀直五
十與五銖錢凡五也並行至莽卽真罷五銖錢異
作泉布多至十品其布有大布次布弟布壯布中
布差布厚布幼布久布小布是爲貨十品也其最
十品者莽居攝作大泉錯刀契刀卽真作小錢爲
錢幼錢布錢壯錢天鳳年更造貨布與貨錢爲十

品莽以劉有金刀罷契刀錯刀從莽至漢末鄭君
時見行此三者故云今存於民間也彼文貨布無
有竒廣八分半足支長八分等十一字此鄭君月
所覲見以義增之耳彼大泉直五十言十五者亦
誤當從五十爲正也王莽之大泉蓋與景王所鑄
大泉亦異也

愚按武帝鑄五銖疏
謂孝文作五銖誤也

周語景王二十一年鑄大錢韋昭注錢者金幣
之名所以買賣物通財用也古曰泉後轉曰錢
單穆公云古者有母平子子權母而行然則及
品之來古而然矣鄭君云錢始一品至景王

品省之不執耳。前後漢紀。武帝元狩五年。行五銖錢。王莽時廢光武建武十六年。始行五銖錢。齊孔覲曰。自漢鑄五銖。至宋文帝歷五百餘年。不變者。輕重可法。得貨之宜也。

幣齋。注。鄭司農云。齋或爲資。今禮家定齋作資。

司會。書契版圖。注。書謂簿書。契其最凡也。版戶籍也。圖土地形象。田地廣狹。疏。漢時以簿書記事。至於餘物記事。亦謂之簿書。故舉漢法而言也。漢之戶籍。皆以版書之。故以漢法况。

職內。凡受財者。受其貳令而書之。注。受財受於職內。

以給公用者貳令者謂若今御史所寫下本奏王所可者書之若言某月某日某甲詔書出某物若干給某官某事

下戶
嫁反

疏御史掌贊書用財者先

奏白於王王許可則御史贊王爲辭下職內是其貳令職內則書之爲本案然後給物與之

貳幣以書揭之注鄭司農云揭之若今時爲書以著

其幣

著直
各反

掌皮會其財齋注

齋所
給予

人以物曰齋今時詔書或曰

齋計吏疏漢時考使謂之計吏有詔賜與之則

曰齋引之證齋是與人物也

內宰教六宮注六宮若今稱皇后爲中宮矣 疏漢
舊儀有此事也

哀帝紀中宮注皇后之宮

禁其竒袤注竒袤若今媚道 疏漢法有官禁云敢
行媚道者謂道妖袤巫術以自衛媚故舉漢法證
經

內小臣陰事注陰事群妃御見之事若今掖庭令晝
漏不盡八刻白錄所見推當御見者

人掌守王宮之中門之禁注中門爲外內爲中若
今宮門

女祝招梗禴禳注四禮唯禳其遺象今存 疏漢時

招梗及禴不行唯禳一禮漢日猶存其遺象

典婦功物書而揭之注鄭司農云書其買數而著其物若今時題署物

內司服禕衣揄狄闕狄注今世有圭衣者蓋三翟之遺俗 疏漢時有圭衣刻爲圭形綴於衣是由周禮有三翟別刻繒綴於衣漢俗尚有故云三翟遺俗也

素沙注素沙者今之白縛也

縛音絹今作絹字

六服皆袍制

以白縛爲裏使之張顯今世有沙縠者名出于此

疏素沙爲裏無文故舉漢法而言謂漢以白縛爲裏以周時素沙爲裏耳

縫人棺飾注漢禮器制度飾棺天子龍火黼黻皆五列又有龍翣二其戴皆加璧 疏明天子加數與喪大記不同之義

翣柳注書曰分命和仲度西曰柳穀

度音宅

疏濟南

伏生傳書文度亦居也柳者諸色所聚日將沒其色赤兼有餘色故云柳穀

吳虞翻奏鄭玄解尚書遺失古大篆卯字讀當爲卯古柳卯同字而以爲昧

追師副編注副之言覆所以覆首爲之飾其遺象若
今步繇矣服之以從王祭祀編編列髮爲之其遺
象若今假紛矣服之以桑也 疏漢之步繇謂在
首之時行步繇動此據時目驗以曉古至今去漢
久遠亦無以知之矣假紛亦是鄭之目驗以曉古
至今亦不知其狀也

續漢志服輿皇后入廟步搖以黃金爲山題貫
白珠桂枝相糺八爵九華熊虎赤駕天鹿辟邪
南山豐大特六獸東觀漢記章帝詔東平王蒼
以光烈皇后假髻帛巾各一衣一筐遺王

纓人注。復下曰。鳥禪。下曰。纓。古人言纓以通。纓。世言纓以通於禪。俗易語。反與。疏。漢時名復。者為纓。通得下禪之種。

夏承建。綏注。今禮家定作糲。疏。謂今說禮之豕糲。寔在年月。一陰爻生。陰氣委糲於下。故旌旗之綏。亦定作糲也。

類。八注。媒之言謀也。謀合異姓。使和成者。今齊人名。麩。麩。魚列。曰媒。

漢書注。孟康曰。媒酒教。顏師古曰。齊人名。麩餅。

曰媒

司門注司門着合城門校尉主王城十二門 䟽都

司摠監十二門官故舉漢法況之

圃人注圃今之苑 䟽此據漢法以況古古謂之圃

漢家謂之苑

人司徒建邦之土地之圖注上地之圖 䟽司空郡

輿地也圖 䟽案漢蕭何收秦圖籍以知天下阨

塞廣遠至後漢乃有司空郡國地圖輿者車輿比

前开曲地形不可正方故云輿地圖也案職方亦

云掌天下之圖注直云如今司空輿地圖不云郡

國者彼以司馬主九畿并夷狄而言故不得云郡

國此經云主人民 數則唯據九州之內故此注云郡國也

武帝元狩六年御史大夫奏輿地圖請所立國名立齊燕廣陵三王淮南王安與左吳等按輿地圖部署兵所從入疏謂復漢乃有蓋攷之未詳也光武披輿地圖指示鄧禹建武十五年封皇子大司空上輿地圖馬援曰前披輿地圖見天下郡國百有六所肅宗建初中案輿地圖令諸國戶口皆等租入

史記正義天爲蓋地爲輿故云輿地圖

阜物注鄭司農云阜物柞栗之屬今世間謂柞實爲

阜斗

日至之景注鄭司農云土圭之長尺有五寸以夏至之日立八尺之表其景適與土圭等謂之地中今潁川陽城地爲然 疏潁川郡陽城縣是周公度景之處古跡猶存

王朴曰古者植圭於陽城以其近洛也蓋尚嫌其中乃在洛之東偏開元十二年遣使天下候影南距林邑北距橫野中得浚儀之岳臺應南北弦居地之中司馬公曰日行黃道每歲有差地中當隨而轉移故周在洛邑漢在潁川陽城

唐在汴州浚儀

其食者半參之一四之一注土均均邦國地貢輕重
之等其率之也公之地以一易侯伯之地以再易
子男之地以三易必足其國禮俗喪紀祭祀之用
乃貢其餘若今度支經用餘爲司農穀矣 疏據
漢法以況之

保息六注寬疾若今癘不可事不筭卒可事者半之
也 疏漢時癘病不可給事不筭計以爲士卒若
今癘病者也可事者謂不爲重役輕處使之取其
半功而已似今殘疾者也

漢書卷一
正治而致事注致事上其計簿 疏漢時考吏謂之
計吏據其使人也此言計簿據其文書也

宣帝黃龍元年謂上計簿具文而已御史察計
簿疑非實者按之匡衡傳郡定國界上計簿更
定圖言丞相府貢禹傳郡國擇便巧史書習於
計簿能欺上府者以爲右職

小司徒以歲時入其數注若今四時言事 疏漢承
周後皆四時入其數今時白役簿皆在於冬代異
時殊故有革別也

大比注鄭司農云王季爲比故以比爲名今時八月

案此是也要謂其簿 疏漢時八月案此而造籍
書周以三年大比未知定用何月故以漢法八月
況之

後漢皇后紀漢以法常因八月筭人漢儀注曰八
月初爲筭賦

鄉師前後之屯注鄭大夫讀屯爲課殿 疏當時俗
有課殿之語故讀從之

鄉大夫其舍者國中貴者能者服公事者賢者老者
疾者皆舍注鄭司農云征之者給公上事也舍者
謂有復除舍不收役事也貴者謂若今宗室及關

內侯皆復也服公事者謂若今吏有復除也老者謂若今八十九十復羨卒也疾者謂若今癰不可事者復之 疏四事皆若今者並舉漢法況之

鹽鐵論今寬力役之政二十三始賦五十六而免所以輔耆壯而息老艾也

與賢者能者注鄭司農云賢者謂若今舉興孝廉興能者謂若今舉茂才 疏孝悌廉絜人之德行故以孝廉況賢者茂才則秀才也才人之技藝故以況能者也

黨正以歲時涖校比注鄭司農云如今小案比 疏

此舉漢法言小案比對三年大比爲小耳

族師春秋祭酺注酺者爲物裁害之神也校人職

又有冬祭馬步則未知此世所云蠶螟之酺與人
鬼之步與盖亦爲壇位如雩祭云 疏酺不知何
神故舉漢法以况之但漢時有蠶螟之酺神又有
人鬼之步神故兩言之

封人注畿上有封若今時界矣 疏漢時界上有封
樹故舉以言之

急就篇頃町界畝畦埒封

置其絛注鄭司農云絛者牛鼻繩所以牽牛者今時

謂之雉與古者名同 疏自漢以前皆謂之縵案
少儀云牛則執紃紃則縵之別名

楅衡注楅設於角衡設於鼻如楛狀也 疏漢時有

置於犬之上謂之楛音加故舉以況衡

鼓人以金錡和鼓注錡錡于也圍如碓頭大上小下
樂作鳴之與鼓相和 疏錡于之名出于漢之大
予樂官其形並出彼文而知之也

以金鐃節鼓注鐃鉦也形如小鍾軍行鳴之以爲鼓
節 疏形如小鍾者亦據漢法而言也

以金鏡止鼓注鏡如鈴無舌有秉執而鳴之以止擊

鼓 䟽鏡如鈴無舌者亦約漢法而知也

以金鐸通鼓注大鐸鈴也 䟽亦約漢法知之

牛人共其牛牲之互注互若今屠家縣肉格

充人展牲注鄭司農云展具也具牲若今時選牲也
玄謂展若今夕牲也 䟽夕牲此舉漢法故以況
之

丙吉子顯從祠高廟至夕牲日乃使出取齋衣

顏師古注未祭一日其夕展視牲具謂之夕牲

載師以廛里任國中之地注廛里者若今二云邑里居
矣 䟽異義公羊十一稅遠近無差漢制收田租

有上中下與周禮同義

閭師䟽劉琰問夫家之征與夫布其異何如鄭荅云夫家之征者田稅如今租矣夫布者如今筭歛在九賦中者也

遺人十里有廬三十里有宿注廬若今野侯徒有房也宿可止宿若今亭有室矣 䟽此舉漢法以況義漢時野路侯迎賓客之處皆有房舍與廬相似漢法十里有亭有三老人皆有宮室故引以爲況也

保氏九數注鄭司農云九數方田粟米差分少廣商

功均輸方程贏不足旁要今有重差夕桀

夕言句的

股也

疏方田已下皆依九章算術而言今有重

差夕桀句股此漢法增之馬氏注以爲今有重差夕桀夕桀亦是算術之名與鄭異案今九章以句股替旁要則旁要句股之類也 少儀正義云九

數之名書本多誤儒者所解方田一粟米二差分

三少廣四商功五均輸六方程七贏不足八旁

要九云今有重差句股者鄭司農指漢時云今時於九數之內有重差句股二篇其重差卽與舊數差分一也去舊數旁要而以句股替之爲漢之九

數卽今之九章也馬融于寶等更云今有夕桀各爲二篇未知所出

鄭玄傳通九章算術注周公所作也凡九篇方田粟米差分少廣均輸方程傍要盈不足句股馬續傳善九章算術注劉徽九章算術方田一粟米二差分三少廣四商功五均輸六盈不足七方程八句股九並無重差夕桀劉徽九章算經序包犧氏始畫八卦作九九之術以合六爻之變記稱隸首作數周公制禮而有九數九數之流則九章是矣漢北平侯張蒼大司農中丞

耿壽昌皆以善筭命世蒼筭因舊文之遺殘各稱刪補故校其目則與古或異而所論者多近語也凡望極高測絕深而兼知其遠者必用重差句股則必以重差爲率故曰重差也一方田以御田疇畧域二粟米以御交質變易三襄分差也以御貴賤稟稅四少廣以御積累方圓五商功以御功程積實六均輸以御遠近勞費七盈不足以御隱雜互見八方程以御錯糅正負九句股以御高深廣遠梅福傳齊桓之時有以九九見者唐藝文志劉向九章重差一卷

調人凡有鬪怒者成之注鄭司農云成之謂和之也
和之猶今二千石以令解仇怨後復相報移徙之
此其類也

媒氏嫁殤注鄭司農云今時娶會是也

司市以次叙分地注次明吏所治舍思次介次也若

今市亭然

疏

言

張平子西京賦廓開九市通闐帶闐旗亭五重
俯察百隧周制大育今也惟尉注漢官闕疏曰
長安立九市其六市在道西三市在道東史記
褚先生曰臣爲卽興方士會旗亭下

質劑謂兩書一札而別之也若今下手書言
保物要還矣 踰漢時下手書卽今畫指券與古
質劑同也

思次介次注思次若今市亭也介次市亭之屬別小
者也

量度者注若今斗處斛及丈尺也

以璽節出入之注璽節印章如今斗檢封矣 疏案
漢法斗檢封其形方上有封檢其內有書則周時
印章上書其物識事而已

左傳正義周時印已名璽但上下通用

泉府以國服爲之息注以於國服事之其稅爲息也
王莽時民貸以治產業者但計贏所得受息無過
歲什一 疏此與周少異周時不計其贏所得多
少據本徵利王莽時雖計本多少爲定及其徵科
雀據所贏多少假令萬泉歲還贏萬泉假一千贏
五千徵五百餘皆據利徵什一也

司關以節傳之注傳如今移過所文書 疏傳 則
過所文書

文帝十二年除關無用傳張晏注傳信也若今
過所也釋名過所至關津以示之或曰傳

掌節使節皆金也注今漢有銅虎符疏證周時節用銅之意

門闕用符節注符節者如今宮中諸官詔符也璽節者今之印章也旌節今使者所擁節是也將送者執此節以送行者皆以道里日時課如今郵行有程矣以防容姦擅有所通也疏符節已下周法

無文故皆約漢法況之案太史公本紀漢文帝二年九月初與郡國守相爲銅虎符竹使符應劭曰銅虎符第一至第五國家當發兵遣使者至郡國合符符合乃聽受之竹使符者皆以竹箭五枚長

五寸鐫刻篆書第一至第五張宴曰符以代古之圭璋從簡易也鄭引之者欲明漢時銅虎符本出於此也

後漢杜詩上疏舊制發兵以虎符其餘徵調竹使而已

遂人夫一廛注鄭司農云揚子雲有田一廛謂百畝之居也玄謂廛城邑之居王莽時城郭中宅不樹者爲不毛出三夫之布 疏引莽時事者證廛是城郭中

里宰以歲時合耦於耨注耨者里宰治處也若今街

彈之室於此合耦使相佐助因放而爲名 疏鄭
以漢法況之漢時在街置室檢彈一里之民於此
合耦使相助佐因放而名耦也

金石錄漢都鄉正街彈碑在汝州界故昆陽城
中其歲月畧可觀蓋中平二年正月而其額題
都鄉正街彈碑莫知其爲何碑也水經魯陽縣
有南陽都鄉正衛彈碑平氏縣有南陽都鄉正
衛彈勸碑隸釋亦以爲衛彈碑蓋未攷此注也
酸棗令劉熊碑云愍念烝民勞苦不均爲作正
彈造設門更

合人耦則牛耦亦可知也。疏周時未有牛耦耕。至漢時搜粟都尉趙過始教民牛耕。今鄭云合牛耦可知者。或周末兼有牛耦。至漢趙過乃絕人耦。專用牛耦。故鄭兼云焉。

山海經。后稷之孫叔均始作牛耕。周益公曰。竊疑耕犁起於春秋之間。故孔子有犁牛之言。而弟子冉耕亦字伯牛。月令。季冬。出土牛。示農耕。早晚。賈誼新書。劉向新序。俱載鄒穆公云。百姓飽牛而耕。暴背而耘。大率在秦漢之際。何待趙過。過特教人耦犁。共二牛。費省而功倍爾。

旅師平頒其興積注縣官徵聚物曰興今云興軍是也 䟽鄭舉漢法泥之皆是聚積之 義也

草人土化之灋注化之使美若汜勝之術也 䟽漢

時農書有數家汜勝爲上故月令注亦引汜勝

藝文志農家汜勝之十八篇

音凡

稻人芟夷之注鄭司農說今時謂禾下麥爲夷下麥言芟刈其禾於下種麥也

迹人邦田之地政注田之地若今苑也

掌蜃其白盛之蜃注盛猶成也謂飾牆使白之蜃也今東萊用蛤謂之又仄云 䟽蛤蜊 在泥水之中

東萊人又取以爲灰故以蛤灰爲又灰

園人牧百獸注備養衆物也今掖庭有鳥獸自熊虎
孔雀至於狐狸鳧鶴備焉

司稼出歛法注歛法者豐年從正凶荒則損若今十
傷二三實際減半 疏舉漢法以況義謂漢時十
分之內傷二分三分餘有七分八分在實際減半
者謂就七分八分中爲實在仍減去半不稅於半
內稅之以凶荒所優饒民法也

槁人外內朝冗食注外朝司寇斷獄弊訟之朝也今
司徒府中有百官朝會之殿云天子與丞相舊決

大事焉是外朝之存者與內朝路門外之朝也冗
食者謂留治文書若今尚書之屬諸直上者 疏
引漢法說之謂以次當直留在朝宿不復須以食
供之冗散也外內朝上直諸吏謂之冗吏亦曰散
吏

續漢曆志熹平四年馮光陳晃言曆元不正詔
以羣臣會司徒府議注蔡邕集載三月九日百
官會府公殿下東面校尉南面侍中郎將大夫
千石六百石重行北面議郎博士西面戶曹令
史當坐中而讀詔書公議蔡邕前坐侍中西北

近公卿與光晃相難問是非焉 後百官志注

蔡質漢儀曰司徒府與蒼龍闕對厭於尊者不

欲號府應劭曰丞相舊位在長安時府有四出

東西門耳國每有大儀天子車駕親幸其殿殿

西王侯以下更衣併存每歲州郡聽採長吏臧

否民所疾苦還條奏之是謂舉謠言舉謠言者

掾屬令史都會殿上主者大言某州郡行狀周

禮外朝于寶注曰禮司徒府中有百官朝會殿

朝士注今司徒府有天子以下大會殿亦古

之外朝

漢制攷卷第二

後儀王應麟伯厚甫

春官注鄭司農云唐虞歷三代以宗官典國之禮與其祭祀漢之大常是也 疏代異法殊禮有沿革故至漢時祭祀之禮使大常主之

典瑞注瑞節信也典瑞若今符璽節 疏舉漢法而況之

守桃奄入人注奄如今之宦者 疏漢以奄人爲內宦則名奄人爲宦

世婦每宮卿二人中士八人注世婦后宮官也王后

漢制列傳三
六宮漢始大長秋詹事少府大僕亦用士八人
疏見周時用奄之義

鞞鞞氏注鞞屨四夷舞者所屣也今時倡蹋鼓杳行者自有屣
疏謂漢時倡優作樂蹋地之人并擊鼓杳杳作聲者行自有屣屨證四夷舞者亦自有屣與中國不同也

大宗伯鬯辜注故書鬯爲罷鄭司農云罷辜披磔牲以祭若今時磔狗祭以止風疏舉漢法以况義狗屬西方金金制東方木之風故用狗止風也

五命賜則注則地未成國之名王莽時以二十五成

爲則方五十里合今俗說子男之地獨劉子駿等
議古有此制焉 疏時有孟子張包周及何休等
並不信周禮有五百里已下之國以王制百里七
十里五十里等爲周法故鄭指此等人爲俗說也
孤執皮帛注帛如今璧色繒也 疏漢時有璧色繒
故鄭舉而言之未知色之所定也

小宗伯立軍社注社之主盖用石爲之 疏案許慎
云今山陽俗祠有石主

南竈注今南陽名穿地爲竈

肆儀爲位注謂若今時肆司養府也

肆師治其禮儀注故書儀爲義鄭司農義讀爲儀古者書儀但爲義今時所謂義爲誼

司尊彝皆有舟注鄭司農云舟尊下臺若今時承槃疏漢時酒尊下槃象周時尊下有舟故舉以爲況也

獻酌脩酌注獻讀爲摩莎之莎齊語釁之誤也脩讀爲滌濯之滌今齊人命沽酒曰滌

司几筵黼依注斧謂之黼其纁白黑采絳帛爲質依其制如屏風然疏屏風之名出於漢世鄭以今古故舉屏風爲況也

纁席次席注纁席削蒲翦展之編以五采若今合歡
矣次席桃枝席有次列成文 疏漢有合歡席故
舉漢法況之漢世以桃枝竹爲席次第行列成文
章

紛純注紛如綬有文而狹者 疏漢世綬是薄帔有
文章而狹

與瑞裸圭有瓚注漢禮瓚槃大五升口徑八寸下有
槃口徑一尺 疏此漢器制度文叔孫通所作

珍圭注杜子春云珍當爲鎮以徵召守國諸侯若今
時徵郡守以竹使符也玄謂珍圭王使之瑞節如

今時使者持節矣 疏持節卽子春所云竹使符也

高帝紀注節以毛爲之上下相重取象竹節將

命者持之以爲信

武帝紀征和元年更節加黃旄

光武紀注節

所以爲信以竹爲之柄長八尺以旄牛尾爲其
旄三重馮衍與田邑書今以一節之任建三軍
之威豈持寵其八尺之竹犛牛之尾哉

牙璋注鄭司農云以牙璋發兵若今時以銅虎符發
兵 疏銅虎竹使符漢時皇帝使者之瑞節

漢齊王傳魏勃給召平曰王欲發兵非有漢虎

符驗也吳王傳弓高侯責膠西王曰未有詔虎符擅發兵擊義國嚴助傳上曰新卽位不欲出虎符發兵郡國迺遣助以節發兵會稽會稽守欲距法不爲發

司服韋弁服注韋弁以韎韋爲弁又以爲衣裳今時伍伯緹衣古兵服之遺也 疏鄭韎爲赤色韋猶以爲疑故舉漢事以爲況言伍伯者伍行也伯長也謂宿衛者之行長見服纁赤之衣是古兵服赤色遺象至漢時是其兵服赤之驗也

奠衣服注今坐上翬衣也 疏守桃云遺衣服藏焉

漢制列卷二
四
至祭祀之時則出而陳於坐上

家人丘封之度注王公曰丘諸臣曰封漢律曰列侯
墳高四丈關內侯以下至庶人各有差 疏周禮
丘封高下樹木之數無文以漢法況之也

職喪注國之喪禮喪服士喪既夕士虞今存者其餘
則亡 疏儀禮三千條漢興惟得十七篇高堂生
所傳卽今儀禮是也

大司樂成均注董仲舒云成均五帝之學 疏董仲
舒作春秋繁露繁多露澗爲春秋作義澗益處多
弛縣注弛釋下之若今休兵鼓之爲 疏樂縣在於

虞釋下之與兵鼓縣之於車上。休亦釋下之義。相似。故舉今以况古。

樂師帔舞。注。帔。析五采繒。今靈星舞子持之是也。

皇舞。注。皇。雜五采羽如鳳皇色。持以舞。疏。漢內鳳

皇數出五色。

行以肆夏。趨以采薺。注。鄭司農云。人君行步以肆夏爲節。趨疾於步。則以采薺爲節。若今時行禮於太學。罷出以鼓陔爲節。

大胥掌學士之版。以待致諸子。注。鄭司農云。版。籍也。今時鄉戶籍。世謂之戶版。卿大夫之諸子。則案此

籍以召之。漢大樂律曰：卑者之子不得舞宗廟之酌。除吏二千石。到六百石。及關內侯。到五大夫子。先取適子。高七尺已上。年十二到年三十。顏色和順。身體脩治者。以爲舞者。與古用卿大夫子同義。

疏：漢法卑者之子不得舞宗廟之酌。則元士之子不入。故知卿大夫之諸子也。月令四月云：天子與羣臣飲酌。鄭注云：酌之言醇。謂重釀之酒。春酒至此始成。作此酌。亦謂重釀之酒。祭宗廟而用之。祭未有相飲之法。漢紀注云：漢承秦爵二十等。五大夫九爵。關內侯十九爵。列侯二十爵。宗廟舞人用。

貴人子弟與周同故引以爲證

十二誤當云二十至三十卿大夫國

中自七尺以及六十案韓詩二十從役與國中七尺同是七尺爲二十矣不得爲十二也

小師簫管注簫編小竹管如今賣飴餠所吹者管如
遂而小併兩而吹之今大予樂官有焉

鼓注如鼓而小持其柄槌之旁耳還自擊 疏後鄭

解鼓依漢法而知

鍾師祓夏注杜子春云祓讀爲咳鼓之咳 疏漢有

咳鼓之法

樂師注鼓咳見上

笙師遂管春牘應雅注鄭司農云春牘以竹大五六
寸長七尺短者一二尺其端有兩空梟畫以兩手

漢書列傳二
六
築地應長六尺五寸其中有雅雅狀如漆笛而弁
口大二圍長五尺六寸以羊韋鞞之有兩紐疏書
杜子春讀遂爲蕩滌之滌今時所吹五空竹遂
疏此皆約漢法知之

旄人教舞散樂注散樂野人爲樂之善者若今黃門
倡矣 疏不在官之員內謂之爲散漢倡優之人
亦非官樂之內故舉以爲說也

漢禮樂志成帝時鄭聲尤甚黃門名倡丙彊景
武之屬富顯於世藝文志黃門倡車忠等歌詩

十五篇

占夢注以日月星辰占夢者其術則今八會其遺象
也用占夢則亡 疏案堪輿大會有八小會亦有

八
大祝六曰說注董仲舒救日食祝曰炤炤大明滅滅
無光奈何以陰侵陽卑侵尊是之謂說也

九祭注鄭司農云衍祭羨之道中如今祭殤無所上
命

九擗注杜子春云奇讀為奇偶之奇謂先屈一膝今
雅拜是也或云奇讀曰倚倚拜謂持節持戟拜身
倚之以拜鄭司農云褒拜今時持節拜是也肅拜

但俯下手今時擡於至擡即是也 跪儀禮鄉飲

酒賓客有擡入門之法推手曰揖引手曰擡

左傳卻至敢肅使者注肅手至地若今擡字耕

指也漢何武舉方正所舉者召見槃辟雅拜有

司以為詭衆虛偽

小祝置銘注鄭司農云銘書死者名於旌今謂之柩

疏漢時謂銘為柩

設道齋之奠注杜子春云齋當為菜道中祭也漢儀

每街路輒祭 疏引漢法為證後鄭不從者案既

夕禮祖廟之庭禮道中無祭法

句祝禱牲注今侏大字也 䟽今漢時人傍侏是侏
大之字

司巫掌巫降之禮注巫下神之禮今世或死旣歛就
巫下禡其遺禮 䟽郊特牲鄉人禡鄭注云禡疆
鬼彼逐疫癘之事此禡當家之鬼非疆鬼也

巫注歲時祓除如今三月上巳如水上之類釁浴
謂以香薰草藥沐浴 䟽一月有三巳據上句之
巳而爲祓除之事見今三月三日水上戒浴是也
大史正歲年以序事注中數曰歲朔數曰年中朔大
小不齊正之以閏若今時作曆日矣

抱天時注鄭司農云大史主抱式以知天時處吉凶
疏據當時古文謂之式以其見時候有法式故
謂載天文者爲式

藝文志有美門式法

馮相氏十有二歲注歲謂太歲歲星與日同次之月
斗所建之辰樂說說歲星與日常應太歲月建以
見然則今曆太歲非此也 疏以今曆大歲歲星
北辰大歲無跳辰之義非此經大歲者也

會天位注合此歲日月辰星宿五者以爲時事之候
若今曆日大歲在某月某日某用朔日直躡某也

保章氏星土注堪輿雖有郡國所入度非古數也今其存可言者十二次之分也星紀吳越也玄枵齊也娵訾衛也降婁魯也大梁趙也實沈晉也鶉首秦也鶉火周也鶉尾楚也壽星鄭也大火宋也析木燕也此分野之妖祥主用客星葦孛之氣爲象疏古黃帝時堪輿亡後代有作堪輿者非古數雖非古數時有可言者

古夢注天地之會建厭所處之日辰疏堪輿天老曰假令正月陽建于寅陰建在戌張逸問厭對之義答曰案堪輿黃帝問天老事云四月陽

漢制考卷二
九
建于巳破於亥陰建于未破于癸是爲陽破陰
陰破陽故四月有癸亥爲陰陽交會十月丁巳
爲陰陽交會 藝文志堪輿金匱十四卷注許
慎云堪天道輿地道也

十有二歲注歲星爲陽右行於天太歲爲陰左行于
地十二歲而小周其妖祥之占甘氏歲星經其遺
象也

五雲之物注鄭司農云以二至三分觀雲色青爲蟲
白爲喪赤爲兵荒黑爲水黃爲豐 疏蓋據陰陽
書

內史凡四方之事書內史讀之注若今尚書入省事
疏漢法奏事讀之故舉以况之也

霍光傳尚書令讀奏

以方出之注杜子春云方直謂今時牘也 疏古時
名爲方漢時名爲牘故舉以說之

外史達書名注古曰名今日字使四方知書之文字
得能讀之 疏聘禮記云百名以上書之於策不
滿百名書之於方古者之文字少直曰名後代文
字多則曰字字者滋也滋益而多故更稱曰字

御史掌贊書注贊爲辭若今尚書曰作詔文 疏謂若

今出詔敕之書。

續漢百官志尚書侍郎三十六人。一曹有六人。主作文書起草。安帝時陳忠上疏薦周典曰。諸郎多文俗吏。鮮有雅材。每爲詔文。宣示內外。轉相求請。或以不能而專。已自田辭。多鄙固。乃拜興尚書郎。

巾車注。纓今馬鞅。

容蓋注。鄭司農云。容謂幬車。山東謂之裳幬。或曰。潼容。玄謂蓋如今小車蓋也。疏。此舉漢法。小車有蓋。以况周。

輶車有握注有握則此無蓋矣如今輶車是也 疏
漢法輶車無蓋故舉以況之

蒲蔽注鄭司農云謂羸蘭車以蒲爲蔽天子喪服之
車漢儀亦然 疏漢時有羸長繭絮不善之車故
舉以說之也

藩蔽注藩今時小車藩添席以爲之

良車散車注不在等者謂若今輜車後戶之屬作之
有功有沽 疏漢時輜車與古者從軍所載輜重
財貨之車皆車後開戶故舉以說之

典路注漢朝上計律陳屬車於庭 疏漢朝集使上

計律法謂上計會之法

安帝紀永初四年春正月元日會徹樂不陳克
庭車注每大朝會必陳乘輿法物車輦於庭以
年饑故不陳

司常九旗之物名各有屬注屬謂徽識也大傳謂之
徽號令城門僕射所被及亭長著絳衣皆其舊象
疏引今漢法欲見古有此物遺及漢時也

司燿注燿讀如予若觀火之觀今燕俗名湯熱爲觀
則燿火謂熱火與

司甲注甲今之鎧也 疏今古用物不同其名亦異

古用皮謂之甲今用金謂之鎧從金爲字也

司戈盾注戈今時句孑戟 疏漢時見戈有刃出者

爲句孑亦名胡孑故號戈爲句孑戟也

句古候反

大司馬師師執提注鄭司農云提謂馬上鼓有曲木提持鼓立馬髦上者故謂之提 疏據當時已有

單騎舉以況周其實周時皆乘車無輕騎法也

曲禮前無車騎則載飛鴻正義古人不騎馬經

典無言騎者今言騎者當是周末時禮左傳正

義六國之時始有單騎左師展將以公乘馬而

歸此騎馬之漸也

漢書卷三十一
十一
誓民注誓以犯田法之罰也誓曰無干車無自後射
疏此據漢田律而言

左右和之門注軍門曰和今謂之壘門立兩旌以爲
之 疏漢時軍壘爲門名曰壘門與古和門同故
舉爲說

司勳祭於大烝注今漢祭功臣於廟庭 疏引漢法
欲見古者祭功臣在廟庭也

漢舊儀宗廟祭功臣四十人食堂下惟御僕滕
公祭於廟門外塾

加田注鄭司農云祿田亦有給公家之賦貢若今時

侯國有司農少府錢穀矣 疏漢法穀入司農錢
入少府故舉以爲況

掌固設其飾噐注兵甲之屬今城郭門之噐亦然
疏漢時城郭門守噐所飾亦若今城郭門傍所執
矛戟皆有幡飾之等

挈壺氏分以日夜注異晝夜漏也漏之箭晝夜共百
刻冬夏之間有長短焉大史立成法有四十八箭
疏馬氏云漏凡百刻春秋分晝夜各五十刻冬
至晝則四十刻夜則六十刻夏至晝六十刻夜四
十刻鄭注堯典云日中者日見之漏與不見者齊

日長者日見之漏五十五刻於四時最長也夜中者日不見之漏與見者齊日短者日見之漏四十五刻於四時最短此與馬義異以其馬云春秋分晝夜五十刻據日見之漏若兼日未見日沒後五刻晝五十五刻夜四十五刻若夏至晝六十刻通日未見日沒後五刻則晝六十五刻夜三十五刻一年通閏有三百六十五日四分日之一四時之間九日有餘枝一刻爲率云大史立成法有四十八箭者此據漢法而言則以器盛四十八箭箭各百刻以壺盛水懸於箭上節而下之水水淹一刻

則爲一刻四十八箭者蓋取倍二十四氣也 書
正義漢初率九日增減一刻和帝時霍融始請改
之鄭注書緯考靈曜仍云九日增減猶未覺誤也
續漢曆志永元十四年詔曰今官漏以計率分
昏明九日增減一刻違失其實太史待詔霍融
上言不與天相應今下晷景漏刻四十八箭立
成斧官府當用者計吏判班予四十八箭
射人射牲注今立秋有驅劉云 疏漢時苑中有貍
劉卽爾雅貍似狸劉殺也云立秋貍殺物

武帝紀腰五日注如淳曰漢儀注立秋貍腰燕

林曰臘祭名貍虎屬常以立秋日祭獸王者亦以此日出獵還以祭宗廟故有貍臘之祭顏師古曰續漢書作羆劉臘劉義通法言臘臘注臘八月旦也今河東俗奉以爲大節祭祀先人也

羅氏注今俗放火張羅其遺教疏漢之俗間在上放火放下張羅丞之以取禽獸是周禮之遺教

維春鳥注若今南郡黃雀之屬

方相氏注冒熊皮者以驚馭疫厲之鬼如今魁頭也歐方良注夫子之梓柏黃腸爲裏而表以石焉疏

引漢法爲證

霍光傳注如淳曰漢儀注天子陵中明中高丈
二尺四寸周二丈內梓宮次榭梓柏黃腸題湊
蕪林曰柏木黃心故曰黃腸

大僕大寢之門外注大寢路寢也其門外則內朝之
中如今宮殿端門下矣

達窮者與遽令注鄭司農云窮謂窮究夫曠則來擊
此鼓以達於王若今時上變事擊鼓矣遽傳也若
今時驛馬軍書當急聞者亦擊此鼓

前驅注前驅如今道引也

漢制考卷二
五
小臣燕出入則前驅注燕出入若今游於諸觀苑
疏引漢法證之

隸僕掌蹕宮門之事注鄭司農云蹕謂止行者清道
若今時儼蹕

弁師延紐注延冕之覆在上是以名焉紐小鼻在武
上笄所貫也今時冠卷當簪者廣袤以冠縱其舊
象與 疏古之紐武笄貫文處若今漢時冠卷當
簪所貫者於上下之廣及隨縱之袤以冠縱者貫
簪之處當冠縱之中央是周冕垂紐於武貫笄之
舊象以無正文故云與以疑之凡冕體周禮無文

叔孫通作漢禮器制度取法於周今還取彼以
之案彼文凡冕以版廣八寸長尺六寸以上玄下
朱覆之乃以五采纁纁貫五采玉垂於延前後謂
之遂延

纁旃注鄭司農云纁古字也藻今字也同物同音

會五采注鄭司農云沛國人謂反紒爲鬮玄謂會讀
如大會之會 疏漢歷有大會小會取會聚之義

玉璣注璣讀如薄借璣之璣璣結也 疏漢時有璣

借璣之語故讀從之亦取結義薄借之語未聞

司戈盾設藩盾注藩盾盾可以藩衛者如今之扶藪

與 疏舉漢法以況之

司弓矢杆矢注杆矢者取名變星飛行有光今之飛
矛是也 疏案援神契云在矢射愚考異郵曰在
矢精狀如流星蛇行有尾見天文志曰狀大流星
是其妖變之星行時有光漢時名此矢爲飛矛故
舉以爲說也

廋人注鄭司農云散讀爲中散大夫之散。

圉師注杜子春讀椹爲齊人言鈇椹之椹

職方氏天下之圖注天下之圖如今司空輿地圖也

疏大司徒掌九州不言夷狄九州之內有邦國

故以郡國言之比職方兼主夷狄夷狄中漢時不
置郡國惟置校尉掌之故此注亦不言郡國也

司圜注鄭司農云圜土諸獄城也今獄城圜 疏東

方主規規主仁恩凡斷獄以仁恩求出之故圜也
司隸注隸給勞辱之役者漢始置司隸亦使將徒治
道溝渠之役後稍尊之使主官府及近郡 疏以
漢時司隸官與周同故舉以爲況也

萍氏注今天問萍號作萍 疏離騷有天問篇天不

可問故以天問爲名

冥氏注鄭司農云冥讀爲冥氏春秋之冥 疏冥氏

漢書卷二
作春秋書名若晏子呂氏春秋之類取其音讀也
漢儒林傳堂谿惠授泰山冥都都與筦路又事
顏安樂故顏氏復有筦冥之學冥氏春秋即冥
都也疏恐誤

薏氏注鄭司農云今俗間謂麥下為夷下言芟夷其
麥以其下種禾豆也

蝮氏注蝮今御所食蛙也

霍山曰丞相擅滅宗廟羔菟龜

伊耆氏注今姓有伊耆氏也

大司寇兩劑注劑今券書也

欲有復於上注復猶報也報之者若上書詣公府言
事矣

以邦成弊之鄭司農云邦成謂若今時決事比也
疏若今律其有斷事皆依舊事斷之其無條取比
類以決之故云決事比也

晉志漢時決事集爲令甲以下三百餘篇

小司寇讀書則用灋注鄭司農云如今時讀鞫已乃
論之 疏鞫謂劾囚之要辭讀已乃論其罪也

八辟注鄭司農云議親若今時宗室有罪先請是也
議賢若今時廉吏有罪先請是也議貴若今時吏

漢制列卷二
墨綬有罪先請是也

疏漢法丞相中二千石金

印紫綬御史大夫二千石銀印青綬縣令六百石

銅印墨綬

前王而辟注鄭司農云小司寇爲王道辟除姦人也
若今時執金吾下至令尉奉引矣 疏漢時執金
吾及令尉爲帝奉引猶如小司寇爲王導故引以
爲況

士師五禁注古之禁書亡矣今宮門有符籍官府有
無故擅入城門有離載下帷野有田律軍有竄謹
夜行之禁其猶可言者 疏舉漢法以況之在事

離耦載而下帷恐是姦非故禁之

三曰禁注禁則軍禮曰無干車無自後射比其類也
追胥注胥讀如宿僭之僭僭謂司搏盜賊也 疏時

有夜宿逐賊謂之僭

士之八成注鄭司農云八成者行事有八篇若今時
決事比 疏凡言成者皆舊有成事品式後人依
而行之決事依前比類決之

邦洵注鄭司農云斟酌盜取國家密事若今時刺探
尚書事 疏漢時尚書掌機密有刺探尚書密事
斟酌私知故舉爲況也

詔司寇注。若今日聽正法解也。

傳別注。故書別爲辯。鄭司農云。傳或爲符。辯讀爲風。別之別。若今時市買爲券書以別之。各得其一。訟則案券以正之。

鄉士辯其獄訟。異其死刑之罪而要之。注。要之爲其罪法之要辭。如今劾矣。疏。劾實也。

左傳疏。漢世名斷獄爲劾。

上師受中協日。注。鄭司農云。協和合支幹善日。若今時望後利日也。士師受中。若今二千石受其獄也。疏。漢時受二千石祿粟郡守之等受在下。已威。

之獄利日即合刑殺之日。

二公若有邦事則爲之前驅而辟。注鄭司農云鄉士爲三公道也。若今時三公出城郡督郵盜賊道也。疏郵謂郵行往來盜賊謂舊爲盜賊即不良之人。故內郡督察郵行者是盜賊之人使之道以況古鄉士爲道相類也。

訝士有治於士者造焉。注如今郡國亦時遣主者吏詣廷尉議者。疏漢時獄官號廷尉。

四方有亂獄則往而成之。注猶呂步舒使治淮南獄。疏呂步舒明春秋公羊爲丞相長史淮南王反。

武帝詔使宗正劉德與步舒窮驗其事。

朝士外朝之灋。注：雉門設兩觀，與今之宮門同。疏：舉漢以况周。

今司徒府有天子以下大會殿，亦古之外朝哉。疏：舉漢法况義。

得獲貨賄人民六畜者。注：鄭司農云：若今時得遺物及放失六畜，持詣鄉亭縣廷，大者公之，大物没入公家也。小者私之，小物自畀也。

期外不聽。注：鄭司農云：若今時徒論決滿三月不得乞鞫。

有判書注鄭司農云謂若今時辭訟有券書者爲治之

犯令者注若令時加貴取息坐減

殺之無罪注鄭司農云若今時無故入人室宅廬舍上人車舡牽引人欲犯法者其時格殺之無罪

疏先鄭舉漢賊律云

晉志魏李悝著法經其律始於盜賊 鹽鐵論
二尺四寸之律古今一也或以治或以亂

司民皆書於版注版今戶籍也

司刑注今東西夷或以墨劓爲俗古刑人亡逃者之

漢制考卷二
世類與宮若今宦男女也鄭司農云漢孝文帝十三年除肉刑 疏宦男女卽宮人嬬女及奄人使守內閣者也文帝赦肉刑所赦者唯赦墨劓與刑三者其宮刑至隋乃赦也

書呂刑正義漢除肉刑除墨劓刑耳宮刑猶在隋開皇之初始除男子宮刑婦人猶閉於宮

詔刑罰法處其所應不如今律家所署法矣

司刺三宥注鄭司農云過失若今律過失殺人不至一死玄謂讖審也不審若今仇讐當殺甲見乙誠以爲甲而殺之者過失若舉刃欲斫伐而軼中人者

遺忘若間帷薄忘有在焉者而以兵矢投射之
䟽甲乙者興喻之之義

三赦注鄭司農云幼弱老旄若今時律今年未滿八
歲八十以上非手殺人他皆不坐

司約丹圖注丹圖未聞或有雕器簞簞之屬有圖象
者與今俗語有鐵券丹書豈此舊典之遺言與

職金揭而璽之注鄭司農云今時之書有所表識謂
之揭璪 䟽揭即今之板

金罰䟽夏侯歐陽說云墨罰疑赦其罰百率古以六
兩為率古尚書說百錢錢者率也一率十一銖二

十五分銖之十三也百鏹為三斤鄭玄以為古之
率多作鏹

蕭望之傳張敞曰甫刑之罰小過赦薄罪贖有
金選之品注選音刷字本作銚銚即鏹也其重
十一銖二十五銖之十三一曰重六兩

用金石注作槍雷音推搏音石耕之屬 䟽皆謂守城

御捍之具

司屬掌任器貨賄入于司兵注鄭司農云若今時傷
殺人所用兵器盜賊賊加責沒入縣官 流加責
者即今時倍贓

其奴注鄭司農云今之爲奴婢古之罪人也玄謂奴從坐而沒入縣官者 疏漢時名官爲縣官非謂州縣也

史記索隱云夏家王畿內名縣內卽國都也王者官天下故曰縣官

司圜任之以事注鄭司農云若今時罰作矣

史記馮唐傳雲中守魏尚削其爵罰作之

掌戮注斬以鈇鉞若今要斬也殺以刀刃若今棄市也

宮者使守內注以其人道絕也今世或然

野廬氏比修除道路者注比較治道者名若今次金
敘大功 疏謂漢時主役之官官名次金敘主以
丈尺賦功

凡道禁注禁謂若今絕蒙大巾持兵杖之屬 疏古
時禁書亡故舉漢法而言也

蜡氏置榻焉注鄭司農云今時榻棗是也有地之官
有部界之吏今時鄉亭是也

司寤氏掌夜時注夜時謂夜晚早若今甲乙至戊

疏甲乙則早時戊亥則晚時也

疏以戊爲戎誤甲乙至戊謂夜有五

更

西域傳杜欽曰斥候士五分夜擊刁斗自守注
夜有五更故分而持之天文志有甲夜乙夜衛
宏漢舊儀晝漏盡夜漏起省中用火中黃門持
五夜甲夜乙夜丙夜丁夜戊夜相傳授守火臥
內戶外鼓五止宮中衛官城門擊刁斗傳五夜
百官各徼直符行衛士周廬擊木柝唯呼備火
夜士注主行夜徼候者如今都候之屬 疏行夜來
往周旋謂徼候者

司烜氏以鑿取明水於月注鑿鏡屬取水者世謂之
方諸 疏漢世謂之方諸

明竈注若今楊頭明書其罪法也

條狼氏執鞭以趨辟注趨而辟行人若今卒辟車之爲也

庶氏毒蟲注賊律曰敢蠱人及教令者棄市

薙氏春始生而萌之夏日至而夷之秋繩而芟之注萌之者以茲其所其生者夷之以鉤鎌迫地芟之也若今取芟矣 疏漢時茲其卽今之鋤也

蝮氏注齊魯之間謂鼃爲蝮

伊耆氏齒杖注鄭司農云今時亦命之爲王杖

大行人論書名注書名書之字也古曰名聘禮曰百

名以上

小行人秋獻功注若今計文書斷於九月其舊法
管節注如今之竹使符也

賻補注鄭司農云若今時一室二尸則官與之棺也
司儀旅擯注旅讀爲鴻臚之臚

行夫傳遽注傳遽若今時乘傳騎驛而使者也
掌訝次于舍門外注次如今官府門外更衣處 疏
舉漢法以況之卽今門外亦然

考工記注胡今例奴

鮑書或爲鞞蒼頡篇有鞞莖 疏藝文志蒼頡有七

漢書卷之三十一
三十一
章秦丞相李斯所作鞞莞是其一篇內有治皮之
事故引爲證也

旣建而迪注鄭司農云迪讀爲倚移從風之移 疏
司馬長卿上林賦云

戚速注齊人有名疾爲戚者

終古注齊人之言終古猶言常也

鞞注鄭司農云鞞讀爲旃僕之僕謂伏兔也 疏伏
兔漢時名今人謂之車屐是也

輪人三材注今世轂用雜榆輻以檀牙以檀也 疏

鄭舉今世所用木爲此三者

匠人四阿重屋注四阿若今四注屋重屋復竿也

疏燕禮云設洗當東霽則此四阿四霽者也復竿重承璧材

上林賦高廊四注

大扇小扇注大扇牛舄之扇長三尺小扇腳舄之扇長二尺 疏此約漢禮器制度知之

外有九室注九室如今朝堂諸曹治事處 疏據漢法謂正朝之左右爲廬舍者也

宮隅城隅注謂角浮思也 疏鄭以浮思解隅者案

漢時云東闕浮思災言災則浮思者小樓也明堂

漢制卷二
三
位䟽屏注亦云今浮思也刻之爲雲氣蟲獸如今
闕上爲之矣則門屏有屋覆之與城隅及闕皆有
浮思刻畫爲雲氣并蟲獸

文帝紀未央宮東闕罍罍災顏師古注罍罍謂
連闕曲閣也以覆重刻垣墉之處其形罍罍然
一曰屏也王莽傳遣使壞涓陵延陵園門罍罍
曰毋使民復思也

耜廣五寸注古者耜一金兩人併發之今之耜岐頭
兩金象古之耦也 䟽後漢用牛耕種故有岐頭
兩脚耜今猶然也但以牛種用一耜則畎下布種

粟氏量之以爲黼注黼六斗四升也黼十則鍾方尺積千寸於今粟米法少二升八十一分升之二十二其數必容黼此言大方耳 䟽筭術有筭粟爲米之法

畫績山以章注齊人謂麋爲獐

五入爲緇注緇今禮俗文作爵言如爵頭色也

幌氏漚其絲注楚人曰漚齊人曰淩

王人俟用瓚注瓚讀爲餐餐之餐

作且反

䟽醢人職

有餐食漢時有膏餐

玉多則重石多則輕

䟽盈不足術曰玉方寸重七

兩石方寸重六兩

大圭注終葵椎也相玉書曰珽玉六寸明自炤 䟽

齊人謂椎爲終葵

裸圭注瓚如盤其柄用圭有流前注

矢人夾而搃之注今人以指夾矢櫛衛是也

梓人顙注鄭司農云讀爲鬣頭無髮之鬣 䟽時俗

有以無髮爲鬣

觚三升注觚當爲解 䟽禮器制度云觚大二升解

大三升

廬人句兵柶注齊人謂柯斧柄爲柶

才也者注鄭司農云謂輪輻也世間或謂之罔
砥其綆注鄭司農云綆讀爲囑東言餅之餅 疏依
俗讀也

察其菑注鄭司農云菑讀如雜廁之廁秦山平原所
樹立物爲菑博立梟棊亦爲菑 疏史游章分別
部居不雜廁博戲時立一子於中央謂之梟棊

爲之弱注今人謂蒲本在水中者爲弱 疏史游章
云蒲菑蘭席謂取蒲之本在水者爲席

棊注鄭司農云蜀人言掇曰棊

弓注蓋橈也 疏漢世名蓋弓爲橈子也

朝人繪其牛後注鄭司農云關東謂紉爲繕

築氏爲削注今之書刀 疏古者未有紙筆則以削

刻字至漢雖有紙筆仍有書刀是古之遺法也

漢書刀筆吏注刀所以削書古者用簡牒故吏
皆以刀筆自隨

治氏戈廣二寸注戈今句孑戟也或謂之鷄鳴或謂
之擁頸鋌讀如麥秀鋌之鋌 疏據漢法而言漢

時見胡橫之句孑戟鷄鳴者以其胡似雞鳴故也
擁頸者以其胡曲故謂之擁頸有此數名也

鋸句注俗謂之曼胡似此 疏胡外廣而本寬曼胡

然案莊公四年左氏傳楚武王荆尸授師子焉以
伐隨注子句子凡戟而無刀秦晉之間謂之子或
謂之鏡吳揚之間謂之伐東齊秦晉之間其大者
謂之曼胡其曲者謂之子曼胡

重三鈔注許叔重說文解字云鈔鏃也今東萊稱或
以大半兩爲鈔十鈔爲環環重六兩大半兩鏃
似同矣則三鈔爲一斤四兩 疏鈔鏃輕重無文
故王肅之徒皆以六兩爲鏃是以鄭引許氏及東
萊稱爲鏃也

戟注今三鋒戟也 疏三鋒者見此經言援言胡又

言刺

桃氏謂之下制注下制長二尺重二斤一兩三分兩之一此今之匕首也 疏漢時名此小劍爲匕首也

鳧氏鍾縣謂之旋注今時旋有蹲熊盤龍辟邪 疏舉漢法鍾旋之上以銅篆作蹲熊及盤龍辟邪辟邪亦獸名古法亦當然也

篆間謂之枚注今時鍾乳俠鼓與舞鈕處 卅九面三十六 疏舉漢法一帶有九古法亦當然鍾有兩面面皆三十六也

與古異也

堂涂注謂階前若今令甃祴也 疏漢時名堂涂爲

令辟祴令辟則令之塿也祴則塿道也今音零辟是薄歷反祴

音階

車人一榻有半謂之柯 注鄭司農云蒼頡篇有柯

儻

車人爲耒疏古法耒下惟一金不岐頭先鄭云耒下岐漢法而言其實古者耜不岐頭是以後鄭上注亦云今之耜岐頭

以其一爲一首注首六寸謂今剛關頭斧 疏漢時

斧近刃皆以剛鐵爲之又以柄關孔即今亦然故舉漢法爲說也

羊車注羊善也善車若今定張車 䟽雖舉當時漢法以曉人漢世去今久遠亦未知定張車將何所用但知在宮內所用故差小爲之謂之羊車也

弓人芟解注芟讀如齊人名手足擊爲散之散

故剽注鄭司農云剽讀爲湖漂絮之漂 䟽時有此語從俗讀之

檝脂膏臚敗之臚 䟽若今人頭髮有脂膏者則謂

之臚

二卷終

漢制攷卷第三

沒儀王應麟伯厚甫

儀禮

士冠禮所卦者注所以畫地記爻 疏筮法依七八

九六之爻而記之但古用水畫地今則用錢以三
少爲重錢重錢則九也三多爲交錢交錢則六也
兩多一少爲單錢單錢則七也兩少一多爲拆錢
拆錢則八也案少牢云卦者在左坐卦以木故知
古者畫卦以木也

三卦

有司如主人服注有司群吏有事者謂主人之吏所
自辟除府史以下今時卒吏及假吏是也 疏周
禮三百六十官之下皆有府史胥徒不得君命主
人自辟除去役賦補置之周禮皆云府史此云群
吏吏史亦一也故舉漢法爲證

抽上鞮注鞮藏箠之器今時藏弓矢者謂之鞮也
疏此舉漢法爲況亦欲見鞮弓矢者以皮爲之
故詩云象弭魚服是以魚皮爲矢服則此鞮亦用
皮也

設洗直於東榮注洗水盥洗者棄水器也士用鐵榮

屋翼也周制自卿大夫以下其室爲夏屋水器尊
卑皆用金壘及大小異 疏士用鐵者案漢禮器
制度洗之所用士用鐵大夫用銅諸侯用白銀天
子用黃金也檀弓孔子云見若覆夏屋者矣鄭注
云夏屋今之門廡漢時門廡也兩下爲之故舉漢
法以況夏屋兩下爲之或名兩下屋爲夏屋夏后
氏之屋亦爲夏屋鄭云卿大夫以下其室爲夏屋
兩下而周之天子諸侯皆四注金壘此亦案漢禮
器制度尊卑皆用金壘及其大小異榮卽今之博
風云榮者與屋爲榮飾言翼者與屋爲翅翼

漢制攷卷三
二
鞮鞢注今齊人名舊爲鞮鞢

緇布冠缺項青組纓屬于缺緇纒廣終幅長六尺皮

弁并爵弁并注缺讀如頰緇布冠無弁者著頰圍

髮際結項中隅爲四綴以固冠也今未冠弁者著

卷幘頰象之所生也滕薛名齒爲頰纒今之幘梁

也并今之簪 疏著頰圍髮際者無正文約漢時

卷幘亦圍髮際故知也頰象之所生者此舉漢法

以況義漢時男女未冠弁者首著卷幘之狀亦以

布帛之等圍繞髮際爲之漢時滕薛二國云齒齒

卷幘之類亦遺象故爲況也幘梁亦舉漢法爲況

幘梁之狀鄭目驗而知至今久遠亦未審

有筐注筐竹器如笮者 疏舉漢法爲況也

緇布冠各一匣注緇布冠今小吏冠其遺象也匣竹
器名今之冠箱也 疏緇布冠士爲初加之冠冠
訖則弊之不用庶人則常著之故詩云臺笠緇撮
是庶人以布冠常服者以漢之小吏亦常服之故
舉爲況冠箱亦舉漢法爲況

屨青絢注絢之言拘也以爲行戒狀如刀衣鼻在屨
頭 疏此以漢法言之今之屨頭見有下鼻似刀
衣鼻故以爲況也

太古冠布注白布冠者今之喪冠是也

周弁殷皐夏收注其制之異亦未聞 疏案漢禮器

制度弁冕周禮弁師相參周之冕以木爲體廣八寸長尺六寸績麻三十升布爲之上以玄下以纁前後有旒尊卑各有差等天子玉笄朱紘其制可聞云未聞者但夏殷之禮亡其制與周同異亦如上未聞也

士昏禮女次注次首飾也今時髮也

姆注若今時乳母矣 疏漢時乳母則選德行有乳者爲之并使教子

紼笄注纒緇髮笄今時簪也 疏簪舉漢爲況義

被穎黼注卿大夫之妻刺黼以爲領如今偃領矣

疏舉漢法鄭君目驗而知至今已遠偃領之制亦無可知也

爾雅黼領謂之褱注繡刺黼文以褱領

婦執笄注竹器而衣者其刑蓋如今之筓蓆蘆矣

疏此舉漢法以況義但去今以遠其狀無以可知也

鄉飲酒禮注今郡國十月嘗處飲酒禮 疏漢時已

罷諸侯之國而爲郡郡有太守而封王子母弟者

漢書卷三
四
仍爲國故云郡國也

鄉朝服注今郡國行鄉飲酒之禮玄冠而衣皮弁服
與禮異

鄉射禮注今郡國行此禮以季春 疏漢時雖無諸
侯國而置郡爲守其王之子弟猶名國其君曰相
故鄭注禮記云如今從太守相臨之禮是也引之
者證時節與周異也

主人朝服注今郡國行此鄉射禮皮弁服與禮爲異
疏引之者欲見與周異也

不及地武注武迹也中人之迹尺二寸

疏無正文

蓋目驗當時而言漢禮云五武成步步六尺或據此而言也

中十尺注方者也用布五丈今官布幅廣二尺二寸旁削一寸 䟽此言十尺用布五幅幅廣二尺二寸兩畔各削一寸爲縫幅各二尺在故五幅爲一丈也漢法幅二尺二寸亦古制存焉故舉以爲況周禮鄭志純三只只八寸二尺四寸者據繒幅也

燕禮設洗當東霤注當東霤者人君爲殿屋也亦南北以堂深 䟽漢時殿屋四向流水故舉漢以況周言東霤明亦有西霤對大夫士言東榮兩下屋故也

漢制三
坐行之注若今坐相勸酒 大射儀同

燕朝服於寢注今辟雍十月行此燕禮玄冠而衣皮弁服與禮異也 䟽引漢法欲見與古異者周時玄冠服則緇布衣今衣皮弁服是其異也

大射儀有豐注近似豆大而卑矣 䟽既用豆爲形還近似籩豆之豆舉漢法而知

司射適次注次若今時更衣處張幃席爲之

聘禮釋幣于行注今時民春秋祭祀有行神古之遺禮乎 䟽鄭以行神無止文雖約檀弓猶引漢法爲況

東帛注帛今之壁色繒也 疏周禮大宗伯孤執皮

帛鄭注亦然東帛亦與壁色同以其相配但未知
正周何色耳

及郊注遠郊百里近郊各半之 疏尚書君陳序云
命君陳分正東郊成周鄭注周之近郊五十里今
河南洛陽相去則然鄭以目驗知之

以二竹篋方玄被纁裏有蓋注竹篋方者器名也以
竹爲之狀如篋而方如今寒具筥筥者園此方耳
疏寒具若籩人先鄭云朝事謂清朝未食先進
寒具口實之籩實以冬食故謂之寒具筥圓此方

漢制三
者方圓不同爲異也

束紡注紡紡絲爲之今之縛也 疏鄭注周禮內司

服云素紗者今之白縛也則此束紡者素紗也故

據漢法況之縛息絹反聲類
以爲今正絹字

百名以上書於策不及百名書於方注名書文也今

謂之字 疏鄭注論語亦云古者曰名今世曰字

許氏說文亦然名者即今之文字也

圭與纁皆九寸注雜采曰纁以韋衣木板飾以三色

再就 疏依漢禮器制度而知也但木板大小一

如玉制然後以韋衣之大小一如其板

卿大夫訝注訝主國君所使迎待賓者如今使者有護
客

十六斗曰數注今江淮之間量名有爲數者
今文數爲逾

論語注十六斗曰庾正義庾逾數其數同

四秉曰筥注筥齊名也若今萊易之間刈稻聚把有
名爲筥者

公食大夫禮漿飲注載漿也 疏載之言載以其汁
滓相載故云載漢法有此名故也

腳臙臙注今時臙也

覲禮斧依注依如今緋素屏氣也 有繡斧文所以示

威也斧謂之黼 疏乘爾雅黼戶之間謂之屨以
屏風爲斧文置於依地孔安國顧命傳云展屏風
畫爲斧文置戶牖間是也言縞素者縞赤也素白
也漢時屏風以縞素爲之象古者白黑斧文故鄭
以漢法爲況

喪服冠六升注布八十縷爲升升字當爲登登成也
今之禮皆以登爲升俗誤已行久矣

總哀裳注凡布細而疏者謂之縹今南陽有齊總
疏謂漢時南陽郡齊氏造布有名總

櫛笄注櫛笄者以櫛之木爲笄或曰榛笄有首者若

今時刻鏤摘頭矣 疏摘頭之物刻鏤爲之此笄亦在頭而云首爲大飾明首亦刻鏤之故舉漢法況之也

髻注髻露紒也以麻者目項而前交於額上卻繞紒如著縵頭焉 疏鄭引漢法慘頭況者古之括髮其髻之狀亦如此

繩菲注今時不借也 疏周時人謂之屨子夏時人謂之菲漢時謂之不借

士喪禮浴衣於篋注浴衣已浴所衣之衣以布爲之其制如今通裁 疏布單衣漢時名爲通裁故舉

漢法爲況

漢濯注古文渙作濇荆沔之間語 疏豫州人語
連絢注絢屨飾如刀衣鼻在屨頭上以餘組連之
疏以漢時刀衣鼻況絢在屨頭上以其皆有孔得
穿繫于中而過若無絢則謂之鞮屨

貝三注貝水物古者以爲貨江水出焉 疏漢書食
貨志云五貝爲朋又有大貝牡貝之等以爲貨用
兎于房注兎之制未聞舊說以爲如冠狀廣一寸此
用麻布爲之狀如今之著幘頭矣

後漢向栩好被髮著絳綃頭注綃當作纛

髻於室注旣去纏而以髮爲大紒如今婦人露紒其象也其用麻布亦如著幘頭然

葵菹芋注齊人或名全菹爲芋 疏菹法舊短四寸者全之若長於四寸者亦切之

敦注敦有足則敦之形如今酒敦

旣夕禮薦車注薦進也進車者象生時將行陳駕也今時謂之魂車 疏鄭舉漢法況之以其神靈在焉

用軸注軸軼軸也軸狀如轉麟 疏此以漢法況之

漢時名轉軸爲轉麟

漢書

薦馬纓注纓今馬鞅也 疏古者謂之纓漢時謂之

鞅故舉漢法爲况也

池注池者象宮室之承霜以竹爲之狀如小車笭衣

以青布

疏此鄭依漢禮而言

喪大記注同 疏鄭以漢之制度而

知小車之箱狹長

齊注齊居柳之中央若今小車蓋上蕤矣 疏漢時

小車蓋上有蕤在蓋之中央故舉以爲說

甸人抗重注今時有死者鑿木置食其中樹於道側

由此

脾析注脾讀爲雞脾臄之脾 疏時俗有此語故讀

從之也

中帶注若今之禪穆

隸人注罪人也今之徒役作者也

椽注今之輦也

不饋於下室注下室如今之內堂正寢聽朝事 疏

下室既爲燕寢故鄭舉漢法內堂況之 十

士虞禮墮祭注齊魯之間謂祭爲墮 疏齊南魯北

謂祭爲墮者由墮下而祭因卽謂祭爲墮

三个注今俗或名枚曰個音相近

特牲禮注个猶枚也今俗言物數有

云若干個

音此讀然

乾肉注如今涼州烏翅矣 疏漢時乾脯似之故鄭

以今曉古也

主婦亦拜賓注拜之於闈門之內闈門如今東西掖
門 疏案爾雅釋宮云宮中之門謂之闈則闈門
在宮內漢時宮中掖門在東西若人左右掖故舉
以爲況也

鉤袒注如今擻衣也

釋文作擻衣音宣

疏若漢時人擻衣

以露臂

特牲饋食禮櫨在其南注櫨之制如今大木舉矣上
有四周下無足 疏鄭舉漢法以曉古

棘心七刻注刻若今龍頭

有司徹注桃謂之軟讀如或春或枕之枕字或作桃者秦人語也此二七者皆有淺升狀如飯糝 䟽此以漢法況之

舉解注古文解皆爲爵延熹中詔校書作解

禮記

曲禮乘安車注安車坐乘若今小車也 䟽古者乘

四馬之車立乘此臣旣老敝乘一馬小車坐乘也

庾蔚云漢世駕一馬而坐乘也

請業則起請益則起注起若今摠衣前請也 䟽漢

時受學有摠衣前請之法鄭引證之也

在醜夷不爭注四皓曰陛下之等夷

不以隱疾注俗語云隱疾難爲醫

用挾注今人或謂箸爲挾棍

量鼓䟽隱義云東海樂浪人呼容十二斛者爲鼓

禮不諱嫌名釋文案漢和帝名肇不改京兆郡魏武

帝名操陳思王詩云修阪造雲日是不諱嫌名

君天下曰天子淳今漢於蠻夷稱天子於五侯稱皇

帝

量幣注今河東云幣帛也

使某羞注羞進也古者謂候爲進 疏古時謂迎客

爲進漢時謂迎客爲候

棋注棋枰也有實今邳邳之東食之

檀弓蟻結于四隅注殷之蟻結似今蛇文畫

置翬注牆柳衣翬以布衣木如楫與 疏攝是漢時

之扇與疑辭鄭恐人不識翬體故云

覆夏屋注夏屋今之門廡也其形有廣而卑 疏殷

人以來始屋四阿夏家之屋唯兩下而已無四阿

如漢之門廡

重霤注今宮中有承霤云以銅爲之

漢宣帝紀金芝產函德殿銅池中注銅池承霤也以銅爲之

衽每束一注衽今小要衽 疏漢時呼衽爲小要也
厭冠注今喪冠其服未聞

豐碑注斲大木爲之形如石碑於椁前後四角樹之
穿中於間爲鹿盧下棺以綵繞天子六綵四碑前後各重鹿盧也 疏案春秋天子有隧以羨道下棺所以用碑者月天子之葬掘地以爲方壙漢書

謂之方中。

桓楹注。四植謂之桓。疏案說文。桓亭。郵表也。謂亭

郵之所而立。表木謂之桓。即今之橋旁表柱也。

王制。大國三卿。皆命於天子。注。命於天子者。天子選用之。如今詔書除吏矣。

制國用。注。如今度支經用。

狄鞮。注。今冀部有言狄鞮者。

史以獄成告於正。注。正於周鄉師之屬。今漢有正平

丞。秦所置。疏案漢書百官公卿表。廷尉秦官。掌

刑辟。有正左右監。宣帝地節三年。初置左右平。鄭

見古有正連言平耳此王制多是殷法秦則放殷置之

執左道注左道若巫蠱及俗禁疏廬云左道謂邪道地道尊右右爲貴故漢書云右賢左愚右貴左賤故正道爲右不正道爲左巫蠱案漢書武帝時江充埋桐人於太子宫是也俗禁者若前漢張竦行辟反支後漢書郭躬傳有陳伯子者出辟往亡入辟歸忌是也

周尺注周尺之數未詳聞也案禮制周猶以十寸爲尺蓋六國時多變亂法度或言周尺八十則步更

爲八八六十四寸以此計之。古者百畝當今百五十六畝二十五步。古者百里當今百二十五里。疏鄭即以古周尺十寸爲尺。八尺爲步。則步八寸。鄭又以今周尺八寸爲尺。八尺爲步。則今步皆少於古步。十六寸也是今步別剩六十寸。

月令魚上冰。注夏小正正月啓蟄。魚陟負冰。漢始亦以驚蟄爲正月中。疏漢之時立春爲正月節。驚蟄爲正月中。雨水爲二月節。春分爲二月中。氣至前漢之末以雨水爲正月中。驚蟄爲二月節。故律曆志云。正月立春節。雨水中。二月驚蟄節。春分中。

是前漢之末劉歆作三統曆改驚蟄爲二月節鄭以舊曆正月啓蟄啓即驚也故云漢始亦以驚蟄爲正月中但蟄蟲正月始驚二月大驚故在後移驚蟄爲二月節雨水爲正月中

鴻鴈來注今月令鴻皆爲候疏月令出有先後入禮記者爲古不入禮記者爲今則呂氏春秋是先立春三日疏周法五時迎氣皆前期十日而齋散齋七日致齋三日今秦法簡省故三日也

迎春注周近郊五十里疏鄭注尚書君陳序云天子近郊五十里今河南洛陽相去則然是也

草木萌動注農書曰土長冒楨陳根可拔耕者急發
疏案漢書藝文志農書有九家百一十四篇鄭
所引農書先師以爲汜勝之書也漢書注成帝時
爲侍郎使教田三輔也土長冒楨者謂置楨以候

土

侍郎案漢書
注云議郎

始雨水注漢始以雨水爲二月節

疏漢初驚蟄爲

正月中雨水爲二月節至後來事稍變改故律曆
志云雨水爲正月中驚蟄爲二月節由氣有參差
故也

省囹圄注囹圄所以禁守繫者若今別獄矣桎梏今

械也 疏崇精問曰獄周王園土殷曰羨里夏曰均臺固固何代之獄焦氏答曰月令秦書則秦獄名也漢曰若廬魏曰司空是也

日夜分疏馬融云晝有五十刻夜有五十刻據日出入爲限蔡邕以爲星見爲夜日入後三刻日出前三刻皆屬晝晝有五十六刻夜有四十四刻鄭康成注尚書云日中星以爲日見之漏五十五刻不見之漏四十五刻與蔡校一刻也大畧亦同

大合樂注其禮亡今天子以大射邵國以鄉射禮代之

命大尉注三王之官有司馬無大尉秦官則有大尉
今俗人皆云周公作月令未通於古 疏俗人謂
賈逵馬融之徒皆云月令周公所作故王肅用焉
爲來歲受朔日注秦以建亥之月爲歲首於是歲終
使諸侯及鄉遂之官受此法焉

命大史爨龜策注周禮龜人上春爨龜謂建寅之月
也秦以其歲首使大史爨龜策與周異矣 疏秦
以孟冬爲歲首謂建亥月

大飲丞注其禮亡今天子以燕禮郡國以鄉飲酒禮代之
臘先祖五祀

左傳虞不臘矣正義月令孟冬臘門閭及先祖
五祀臘之見於傳記者唯月令與此二文而已
秦本紀惠王十二年初臘始皇三十一年更改
臘曰嘉平蔡邕獨斷云臘者歲終大祭縱吏民
宴飲非迎氣故但送不迎應劭風俗通云案禮
傳夏曰嘉平殷曰清祀周曰大蜡漢改曰臘臘
者獵也田獵取獸祭先祖也此言虞不臘矣明
當時有臘祭周時臘與大蜡各爲一祭言漢改
曰臘不蜡而爲臘耳

征鳥注題肩也齊人謂之繫征

大射儀注齊魯之間名題肩爲正

管子問公館注若今縣官宮也 疏鮑遺問曰注此

云公所爲君所命使舍已者注雜記云公所爲若
今離宮別館也是二說異何張逸答曰公館若今
停待者也離宮是也聘禮曰卿館於大夫大夫館
於士公命人使館客亦公所爲也

文王世子內豎之御者注御如今小史直日矣

春官釋奠于其先師注若漢禮有高堂生樂有制氏
詩有毛公書有伏生億可以爲之也 疏皆漢書
儒林傳文億是發語之聲

成均注董仲舒曰五帝名太學曰成均則虞庠近是也
疏春秋繁露云成均爲五帝之學

禮運蜡賓釋文夏曰清祀殷曰嘉平周曰蜡秦曰臘
吾得夏時焉注其書存者有小正

吾得坤乾焉注其書存者有歸藏 疏先言坤者熊
氏云殷易以坤爲首故先坤後乾

崇文總目歸藏隋世有十三篇今但存初經齊
母本著三篇

耐以天下爲一家注耐古能字傳書世異古字時有
存者則亦有今誤矣 疏案說文云耐者鬚也鬚

謂斲下之毛象形字也古者犯罪以髡其鬚謂之耐罪故字從寸寸爲法也不虧形體猶堪其事故謂之耐漢書惠帝紀中具有其事古之能字爲此耐字取堪能之義後來乃假借鼈三足爲能今書或有作耐字者此耐以天下爲一家及樂記云人不耐無樂仍作耐字是古字時有存者亦有誤不安寸直作而字則易屯象利建侯而不寧及劉向說苑能字皆爲而也鄭注樂記耐古能字後世變之此獨存焉古以能爲三台字兩注雖異其意同也

還相爲宮注終於南呂更相爲宮凡六十也 疏諸

本及定本多作終於南事則是京房律法

禮器棊禁注禁如今方案隋長局足高三寸 疏案

漢禮器制度而知

隋他
果反

門外正門內壺君尊瓦甒注壺大一石瓦甒五斗

疏漢禮器制度文也

或素或青注變白黑言素青者秦二世時趙高欲作
亂或以青爲黑黑爲黃民言從之至今語猶存也
疏卽鹿馬之類也

經禮三百曲禮三千注經禮謂周禮也周禮六篇其

官有三百六十曲猶事也事禮謂今禮也禮筭多
亡本數未聞其中事儀三千 疏漢孝文帝時求
得周官不見冬官一篇乃使博士作考工記補之
郊特牲明酌 注明酌者事酒之上也名曰明者事
酒今之醪酒皆新成也 疏古之事酒正是漢之
醪酒

內則紛帨注紛帨拭物之巾也今齊人有言紛者
笄注笄今簪也

滄瀧注秦人溲曰滄齊人滑曰瀧

敦牟注牟讀曰登釋文齊人呼土釜爲牟

疏敦則

周禮有玉敦今之杯盆也隱義曰壑土釜也今以木爲噐象土釜之形

介婦注雖有勤勞不敢掉磬 疏庾氏云齊人謂之差許崔氏云北海人謂相激之事爲掉磬隱義云齊人謂相絞許爲掉磬

三牲用藪注藪煎茱萸也漢律會稽獻焉 疏賀氏云今蜀郡作之九月九日取茱萸折其枝連其實廣長四五寸一升實可和十升膏名之藪也

魚去乙注今東海鯁魚有骨名乙在目旁狀如篆大食之鯁人不可出

麋鹿魚爲菹注今益州有鹿殘者近由比爲之矣
於殘

偏反 疏益州人有將鹿肉畜之殘爛謂之鹿殘

與稻米爲醢注狼胸膏臆中膏也以煎稻米則似今

膏屨矣此周禮醢食也

屨之然反又音贊

疏漢時膏屨

以膏煎稻米鄭舉時事以說之

玉藻摛斑注相玉書曰斑玉六寸明自照

纁纁注纁謂今之新綿也纁謂今纁及舊絮也

而素帶終辟大夫素帶辟垂士練帶率下辟注而素帶終辟謂諸侯也諸侯不朱裏合素爲之如今衣帶爲之下天子也大夫亦如之率綵也士以下皆

禪不合而綵積如今作幪頭爲之也

凡君名以三節注今漢使者擁節

明堂位副禕注副首飾也今之步搖是也 疏副是首飾以其覆被頭首漢之步搖亦覆首

疏屏注屏謂之樹今杼思也刻之爲雲氣蟲獸如今闕上爲之矣 疏漢時謂屏爲浮思故云今浮思

解者以爲天子外屏人臣至屏俯伏思念其事案匠人注云城隅謂角浮思也漢時東闕浮思災以此諸文參之則浮思小樓也故城隅闕上皆有之然則屏上亦爲屋以覆屏牆故稱屏曰浮思或解

雙闕也古詩云雙闕百餘尺則闕於兩旁不似
當道與屏別也

大路穀路也注大路木路也漢祭天兼穀之路今謂
之桑根車也

簋矣注垂五采羽於其下樹於簋之角上 疏案漢
禮器制度而知也

得豆注齊人謂無髮爲禿得

大傳繫之以姓而弗別注繫之弗別謂若今宗室屬
籍也 疏漢之同宗有屬籍則周家繫之以姓是
也

少儀簫注簫如笛三孔 疏案漢禮器知之

皇記杆格注格讀如凍洛之洛 疏今人謂地堅爲

洛

樂記不殫注今齊人語有殫者

治亂以相注今齊人或謂櫟爲相

訊疾以雅注雅亦樂器名也狀如漆篥中有推 疏

以漢時制度而知也

喪大記食粥於盛注盛謂今時杯杆也

沈注統以組類爲之綴之領側若今社識矣 疏領

爲綴頭側謂被旁識謂記識

畫襪注漢禮要以小爲筐廣三尺高二尺四寸之兩角
高衣以白布畫者畫雲氣其餘各如其象柄長五尺
魚躍拂池注以銅爲魚懸於池下 疏亦參漢之制
度而知也

大夫士以咸注今齊人謂棺束爲緘繩

雜記使某實注實當爲至此讀周秦之人聲之誤也
素沙注素沙若今紗縠之帛也六服皆袍制不禪以
素紗裏之如今袷袍襖重緇也 疏袍制謂通衣
裳有表有裏似袍漢時有袷袍其袍下之襖以裏
緇爲之

繡衣裳注若今大褊也

公館者公宮與公所爲也注公所爲君所作離宮別館也

有司官陳器皿注器皿其本所齎物也律弃妻卑所

齎

甲必
利反

束五兩注今謂之匹猶匹偶之云與

紉以五采注紉施諸縫中若今時條也

祭法七祀五祀注司命與厲其時不著今時民家或

言秋祠司命行神山神門戶竈在旁是必春祠司

厲也或者合而祠之山即厲也民惡言厲

巫祝以厲山爲之謬乎 疏漢時人民嫌惡厲巫
祝之人意以厲神是厲山氏之鬼爲之

七廟疏其王之制案漢儀高帝廟主九寸前方後圓
圍一尺后主七寸

春秋正義衛次仲云右主八寸左主七寸廣厚
三寸穿中央達四方也范甯云天子主長尺二
寸諸侯主長一尺也白虎通云納之西壁

大夫以下成群立社曰置社注大夫不得特立社與
民族居百家以上則共立一社今時里社是也郊
特牲曰唯爲社事單出里 郊特牲疏周法百家

漢制列卷三
三
以上得立社其秦漢以來雖非大夫民二十五家
以上則得立社故云今之里社又鄭志云月令命
民社謂秦社也自秦以下民始得立社也

中庸裁者培之注今時人名草木之殖曰栽築牆立
板亦曰栽

壹戎衣注衣讀爲殷聲之誤也齊人言殷聲如衣
虞夏商周氏者多矣今姓有衣者殷之冑與

仁者人也注人也當讀如相人偶之人以人意相存
問之言

緇衣其出如綸注綸今有秩嗇夫所佩也 疏案漢

百官於鄉表十里一亭十亭一鄉鄉有三老有秩
嗇夫漢書云張敞以鄉有秩補太守卒史朱邑爲
桐鄉嗇夫續漢百官表鄉置有秩郡所置其鄉小
者縣所置嗇夫案此有秩嗇夫職同但隨鄉大小
故名異耳名雖異其所佩則同張華云綸如宛轉
繩

後漢仲長統傳身無半通青綸之命注十三州
志曰有秩嗇夫得假半章印續漢輿服志曰百
石青紺綸一采宛轉繆織長丈二尺說文綸青
絲綬又爾雅注云綸今有秩嗇夫所帶糾青絲

綸

資冬祈寒注資當爲至齊魯之語聲之誤也祈之言是也齊西徧之語也

周田觀文王之德注古文爲割申勸寧王之德今博士讀爲厥亂勸寧王之德三者皆異古文似近之問喪雞斯注當爲笄纚今時始喪者邪巾緇頭笄纚之存象也

浹衣續衽鉤邊注鉤邊若今曲裾也 疏鄭以後漢之時裳有曲裾故以續衽鉤邊似漢時曲裾今時朱衣朝服從後漢明帝所爲則鄭云今曲裾者是

今朝服之曲裾也

爾雅裳削幅謂之緝注削殺其幅漢衣之裳

曲袷如矩以應方注古者方領如今小兒衣領 䟽
鄭以漢時領皆嚮下交垂故云古者方領似今擁
咽故云若今小兒衣領但方折之也

鄉飲酒義注謂之鄉者州黨鄉之屬也或則鄉之所
居州黨鄉大夫親爲主人焉如今郡國下今長於
鄉射飲酒從太守相臨之禮也 䟽謂郡治之下
及王侯有國治之下滿萬戶以上之令不滿萬戶
之長於已縣或射或飲酒則從郡之太守及主國

漢制列卷三
五
之相來自行禮相監臨之儀不用令長禮也令長射而飲酒似州長黨正也太守與相來監臨似鄉大夫監臨也

射義諸侯歲獻貢士於天子注歲獻獻國事之書及計偕物也 疏漢時謂郡國送文書之使謂之爲計吏其貢獻之功與計吏俱來故謂之計偕物也 偕俱也

表記衣服以移之注移讀如禾汜移之移昌氏移猶廣大也

漢制攷卷第四

浚儀王應麟伯厚甫

詩

小星抱衾與禡箋禡木帳也 疏漢世名帳爲禡蓋

因於古鄭志今人名帳爲禡

顯言則噤箋今俗人噤云人道我此古之遺語也

涇以渭濁注涇渭相入而清濁異 疏漢書溝洫志

云涇水一石其泥數斗潘岳西征賦云清渭濁涇是也

方之舟之注舟舩也 疏舟者古名也今名舩易曰

利涉大川乘木舟虛注云舟謂集板如今自空大

木爲之曰虛卽古又名曰虛總名皆曰舟

副筭六珈箋珈之言加也副旣筭而加飾如今步搖
上飾古之制有所未聞 疏步搖副之遺象故可
以相類也古今之制不必盡同故言古之制所有
未聞以言六珈必飾之有六但所施不可知

漸車帷裳箋帷裳童容也 疏巾車云重翟厭翟安

車皆有容蓋鄭司農云容謂襜車出東謂之裳幃
或曰童容以幃障車之傍如裳以爲容飾故或謂
之幃裳或謂之童容其上有蓋四傍垂而下謂之
襜故雜記曰其轄有襜注云襜謂鼈甲邊緣是也

不爲童容也。禮別司農云：謂檐車者，以有童容上。必有檐，故謂之爲檐車也。

天子之館，方箋，卿士所之之館，在天子之宮。如今之諸廬也。

方乘，蘭，注，間蘭也。疏，澤蘭廣而長，節節中赤，高四五尺，漢諸池苑及許昌宮中皆種之。可著粉中藏衣，著書中辟白魚。

齊子豈弟箋，豈讀當爲闔弟，古文尚書以弟爲圍，圍明也。疏，古文尚書即今鄭注尚書是也。無以悌爲圍之字，唯洪範稽疑論，兆有五曰圍，注云圍者色。

澤光明蓋古文作悌今文作圉賈逵以今文校之定以爲圉故鄭依下其所奏從定爲圉於古文則爲悌有鶉菴止疏漢供御物各隨其時唯鶉冬夏尚施之以其美故也

刺謂廷之不知○疏漢魏稱人主或云國家或言朝廷古今同也

烝然汕汕注汕汕灑也箋樞者今之撩罟也

錫我百朋箋古者貨貝五貝爲朋疏漢書食貨志

大貝牡貝小貝不成貝爲五小貝以上四種各二貝爲一朋而成者不爲朋王莽多舉古事

而行五貝

搏獸于敖箋。敖，鄭地。今近滎陽。

田峻至喜箋。田峻，司嗇。今之嗇夫也。疏。田峻，田官。在田司主稼穡。故謂之司嗇。漢世亦有此官。謂之嗇夫。故言今之嗇夫也。

既種既戒箋。至孟春土長冒楸。陳根可拔而事之。疏。出於農書。

邪幅在下。注。幅，偃也。箋。邪，偃。如今行膝也。偃束其脛。自足至膝。故曰在下。疏。左傳曰。帶裳幅舄。內則亦單云。偃則此服名。偃而已。杜鄭皆云。今之行膝。

然則邪纏於足謂之邪幅。

酌言醕之。箋主人既卒酢爵。又酌自飲。卒爵復酌進賓。猶今俗人勸酒。疏俗人亦先自飲而後勸人。韓奕箋梁山今左馮翊夏陽西北。疏漢於長安畿內立三郡。謂之三輔。京兆在中。馮翊在東。扶風在西。外郡之長謂之太守。此三輔者謂之京兆尹。左馮翊右扶風左右猶外郡之名。太守也。計此止。頌言馮翊耳。不須言左。但漢書稱馮翊扶風之人。皆并言左右。故鄭亦連言左。范曄後漢書始於馮翊扶風之人。不言左右。

波䟽斯裨箋米之率糲十裨九鑿八侍御七 䟽九
章粟米法云粟率五十糲米三十裨二十七鑿二十四侍御二十一
鞞磬枳圉䟽臯陶謨云合止柷敔注云柷狀如漆篥
中有椎合之者投椎於其中而撞之敔狀如伏虎
背上刻之所以止鼓謂之止釋樂云所以鼓柷謂
之止所以鼓敔謂之斲郭璞云柷如漆篥方二尺
四寸深一尺八寸中有椎柄連底桐之今左右擊
止者其椎名也敔如伏虎背上有二十七鉏鋸刻
以木長尺櫟之斲者其名也此等形狀蓋依漢之
大予樂而知之柷篥圉敔古今字耳

簫管備舉箋簫編小竹管如今賣錫者所吹也管如
遂併而吹之 疏賣錫之人吹簫以自表也史記
稱伍子胥鼓腹吹簫乞食吳市亦爲自表異也
侯疆侯以箋以謂間民今時傭賃也

以開百室箋百室者出必共洫間而耕入必共族中
而居又有祭酺合釀之歡 疏族師職云春秋祭
酺注云酺者爲人物災害之神也古書酺爲步因
此祭酺聚錢飲酒故後世聽民聚飲皆謂之酺漢
書每有嘉慶令民大酺五日是其事也

允猶翁河箋河自大陸之北數爲九 疏鄭志荅張

逸云鉅鹿今名廣河澤然則河從廣河之北分爲九也禹貢兗州九河既道鄭注云九河之名徒駭太史馬頰覆釜胡蘇簡絜鉤盤鬲津周時齊桓公塞之同爲一今河間弓高以東至平原鬲津往往有其遺處焉鄭以古之九河皆在兗州之界於漢乃冀州域耳思樂泮水箋辟雍者築土雝水之外圓如璧四方來觀者均也 疏辟廡之宮內有館舍外無牆院也後漢書明帝正坐自講諸儒問難於前冠帶搢紳之人圍橋門而觀聽者蓋億萬計是由外無牆院故得圍門觀之也

犧尊將將注犧尊有沙飾也 疏春官司尊彝作獻

尊鄭司農云獻讀爲犧犧尊飾以翡翠象尊以象
鳳凰或曰以象骨飾尊此傳言犧尊者沙羽飾與
司農飾以翡翠意同則皆讀爲娑傳言沙卽娑之
字也阮譙禮圖云犧尊飾以牛象尊飾以象於尊
腹之上畫爲牛象之形王肅云將將盛美也大和
中魯郡於地中得齊大夫子尾送女器有犧尊以
犧牛爲尊然則象尊尊爲象形也王肅此言以二
尊形如牛象而背上負尊皆讀犧爲義與毛鄭義異
自彼氏羗箋氏羗夷狄國在西方者也 疏氏羗之

種漢世仍存其居在秦隴之西

書

科斗書廢已久正義亡新使甄豐校定六書一曰古文孔子壁內書也孔子壁內古文即蒼頡之體故鄭玄云書初出屋壁皆周時象形文字今所謂科斗書以形言之爲科斗指體即周之古文若於周時秦世所有至漢猶當識之不得云無能知者堯典正義刻漏漢初率九日增減一刻和帝時待詔霍融始請改之古時真曆遭戰國及秦而亡漢在

六曆雖詳於五紀之論。皆秦漢之際。假託爲之。實
不得正。

舜典璣衡正義。璣爲運轉。衡爲橫簫。運璣使動於下。
以衡望之。是王者正天文之器。漢世以來。謂之渾
天儀者是也。蔡邕天文志云。言天體者有三家。一
曰周髀。二曰宣夜。三曰渾天。宣夜絕無師說。周髀
術數具在。考驗天象。多所違失。故史官不用。惟渾
天近得其情。今史所用。候臺銅儀。則其法也。宣帝
時。耿壽昌始鑄銅爲之象。史官施用焉。後漢張衡
作靈憲。以說其狀。

史記索隱益部耆舊傳云落下闳待詔太史於地中轉渾天

六宗正義續漢書云安帝元初六年立大宗祠於洛陽城西北亥地祀比大社

金作贖刑法黃金 正義此傳黃金呂刑黃鐵皆是今之銅也古之贖罪者皆用銅漢始改用黃金但少其斤兩令與銅相敵後魏以金難得合金一兩收絹十匹今律復依古贖銅

程氏曰漢世以金價計贓故謂十金法重不忍相暴章

益稷祝敵搏拊正義祝敵之狀經典無文漢初以來
學者相傳皆云祝如漆桶中有椎柄敵如伏虎背
上有刻漢禮器制度及白虎通其說皆爲然搏拊
形如鼓以韋爲之實之以糠擊之以節樂漢初相
傳爲然

禹貢壺口梁岐正義高祖入咸陽蕭何先收圖籍則
秦焚詩書圖籍皆在孔君去漢初七八十年耳身
爲武帝博士必當具見圖籍其山川所在必是驗
實而知壺口在冀州梁岐在雍州當時疆界爲然
也

既修太原注高平曰太原今以爲郡名 正義卽晉

陽縣

島夷正義孔讀鳥爲島是海中之山九章筭術所云
海島邈絕不可踐量是也

黑水正義地理志益州郡故滇王國也武帝元封二
年始開爲郡郡內有滇池縣縣有黑水祠

五子之歌六馬正義經傳之文惟此言六馬漢世此
經不傳餘書多言駕四者春秋公羊說天子駕六
毛詩說天子至大夫皆駕四許謹案王度記云天
子駕六鄭玄以周禮校人養馬一師四圉四馬曰

漢書卷四
乘康王之誥云皆布乘黃朱以爲天子駕四漢世
天子駕六非常法也

石慶爲太僕御出上問車中幾馬慶以策數馬
畢舉手曰六馬

夏社正義漢世儒者說社稷有二左傳說社祭勾龍
稷祭柱棄惟祭人神而已是孔之孝經說社爲土

神稷爲穀禘勾龍柱棄是配食者也是鄭之

所從

咸有一德七世之廟正義王肅等以受命之王是初
基之王故立四廟庶子王者謂庶子之後自外繼
立雖承正統之後自更別立已之高祖已下之廟

猶若漢宣帝卽別立戾太子悼皇考廟之類也

微子今殷民乃攘竊神祇之犧牲用注盜天地宗廟牲用 正義漢魏以來著律皆云敢盜郊祀宗廟之物無多少皆死爲特重故也

秦誓正義漢書婁敬說高祖云武王伐紂不期而會盟津之上者八百諸侯爲秦誓有此文不知其本出何書也武帝時董仲舒對策云書曰白魚入于王舟有火復于王屋流爲烏周公曰復哉復哉今引其文是武帝之時已得之矣

牧誓羗髮微注羗在西蜀夔髮微在巴蜀 正義左

思蜀都賦云三蜀之豪時來時往是蜀都分爲三
羌在其西故云西蜀叟叟者蜀夷之別名巴在蜀
之東偏漢之巴郡所治江州縣也

後漢興平元年馬騰劉範謀誅李傕益州牧劉
焉遣叟兵助之是蜀夷有名叟者也

武成正義漢書律曆志引武成篇與此經不同彼是
焚書之後有人僞爲之漢世謂之逸書後又亡其
篇

召詰攻位于洛汭注治都邑之位於洛水北今河南
城也 正義漢書地理志河南郡治在洛陽縣河

南城別爲河南縣

成王既伐東夷注海東諸夷駒麗扶餘馭貊之屬

正義此皆於孔君之時有此名漢書有高駒麗扶餘韓馭即彼韓也

費誓淮夷徐戎注此戎夷帝王所羈縻統緒故錯居九州之內秦始皇逐出夷者秦始皇逐出正義漢時內地無戎

呂刑輸而孚注謂上其鞠勅文辭正義漢世問罪謂之鞠斷獄謂之勅

善敕乃甲冑注甲鎧冑兜鍪正義經典皆言甲冑

秦世已來始有鎧兜鑿之文古之作甲用皮秦漢已來用鐵鎧鑿二字皆從金蓋用鐵爲之因以作名

我惟築注攻敵壘距堙之屬正義兵法攻城築土爲山以闕望城內謂之距堙

畢命正義漢書律曆志云畢命豐刑曰惟十有二年六月庚午肫王命作策書豐刑此僞作者

問命大僕正正義與君同車最爲親近故春秋隨侯寵少師以爲車右漢書文帝愛趙主命之爲御

康誥正義周官鄰保以比伍相及而以商疑而發問

鄭答云周禮太平制此爲居殷亂而言斯不然矣
康誥所爲以骨肉之親得相容隱故左傳云父子
兄弟罪不相及周禮所云據疎人相督率之法故
相連獲罪故今之律令大功已上得相容隱鄭保
罪有相及是也

鹽鐵論文學曰自首匿相坐之法立骨肉之恩
廢而刑罪多

論語

服周之冕正義阮謚三禮圖漢禮器制度云冕制皆

漢書卷四
二

長尺六寸廣八寸天子以下皆同董巴輿服志云
廣七寸長尺二寸應劭漢官儀云廣七寸長八寸
沈文云廣八寸長尺六寸者天子之冕廣七寸長
尺二寸者諸侯之冕廣七寸長八寸者大夫之冕
但古禮殘缺未知孰是司馬彪漢輿服志云孝明
帝永平二年詔有司采周官禮記尚書之文制
冕皆前圓後方朱裏玄上前垂四寸後垂三寸天
子白玉珠十二旒三公諸侯青玉珠七旒卿大夫
黑玉珠五旒皆有前無後此則漢法耳

傳不習乎釋文鄭注云魯讀傳爲專今從古案鄭校

周之本以齊古讀正凡五十事鄭本或無此注者
然皇覽引魯讀六事則無者非也

寢衣孔子曰今之被也

孟子

孝文欲廣遊學之路論語孝經孟子爾雅皆置博士
後罷傳記博士獨立五經而已 劉歆曰天下衆
書往往頗出皆諸子傳說猶廣立於學官爲置博
士

人皆謂我毀明堂注謂泰山下明堂本周天子東巡

符朝諸侯之處也

太誓曰我武惟揚注太誓古尚書百二十篇之時太誓也今之尚書太誓篇後得以克學故不與古太誓同諸傳記引太誓皆言古太誓也

事舜於畎畝之中注孟子時尚書凡百二十篇逸書有舜典之叙亡失其文孟子諸所言舜事皆堯典及逸書所載

皆去其籍注今周禮司祿之官無其職是則諸侯皆去之故使不復存也

庶人在官者注食祿之等差由農夫有上中下之次

亦有此五等若今之斗食佐史除吏也

國語

祭公謀父曰日祭注曰祭祭於祖考謂上食也近漢亦然

土乃脉發注農書曰春土冒楸陳根可拔耕者急發律所以立均出度也注均者均鍾木長七尺有弦繫之以均鍾者度鍾大小清濁也漢大予樂官有之宗室之謀不過宗人注此宗人則上宗臣也亦用同姓若漢宗正用諸劉矣

被羽先升注羽鳥羽繫於背若今軍將負毼矣

執枹鼓立於軍門注軍門立旌爲門若今牙門矣

屏攝之位注屏屏風也攝形如今要扇皆所以分別

尊卑爲祭祀之位近漢亦然

在傳廵羣屏攝注祭祀之位正義鄭衆云

攝束茅以爲屏蔽

盟于宋侯遮扞衛不行注戾戾望遮遮罔也晝則侯

遮夜則扞衛扞衛謂羅闈狗附也張羅闈去壘五

十步而陳周軍之前後左右彘弩注矢以誰何謂

之羅闈又二十人爲曹輩去壘三百步畜犬其中

或視前後或視左右謂之徇附皆昏而設明而羅

俸遞二千入居狗附處以視聽候以而發昏而罷

右執鳩宮注若今世云能使鳩也

巴浦之犀犛象注今象出徼外其三獸則荆交有焉

億醜注十萬曰億古數也今人乃以萬萬為億

追而予之璽書注古者大夫之印亦稱璽註傳正義

云爾印也信也天子璽白玉璠虎紐古者尊甲共之衛宏云秦以剪民皆以金玉為印唯其所好自

秦以來唯天子之印獨稱璽又以玉羣臣莫敢用也

越語夫差衣水犀之甲者億有三千注所謂賢良也

若今備衛士

公羊春秋

隱元年會猶最也注最之為言聚若今聚民為授最

如勿與而已矣注如即不如齊人語也

二年無聞焉爾注春秋其說口授相傳至漢公羊氏及弟子胡毋生等乃始託於竹帛故有所失也

助於此乎注助適也齊人語

五年登來之也注登讀言得來得來之者齊人語也

齊人名求得為訂來訂來者其言大而急由口授也

百金之魚注百金猶百萬也古者以金重一斤若今萬錢矣

桓二年累也注齊人語也五年戕也注戕者狂也

齊人語 七年焚之考何樵之也注樵之齊人語六年化我也注行過無禮謂之化齊人語也

莊十二年注脰頸也齊人語 二十年注瘠病也齊人語也 二十八年伐者為客注伐人者為客讀

伐長言之齊人語也伐者為主注見伐者為主讀

伐短言之齊人語也 三十一年漱浣注無垢加
功曰漱去垢曰浣齊人語也

僖元年注輶小車轅冀州以北名之云爾 十年踊
為文公諱也注踊豫也齊人語若關西言渾矣
三十三年詐戰注詐卒也齊人語也

文十三年社黨注黨所也所猶時齊人語也 十五
年筍將而來注筍者竹篾一名編輿齊魯以北名
之曰筍

宣六年荷畚注畚草器名今市所量穀者是也齊人
謂之鍾

宰注主宰割殺膳者若今大官宰人

歲二年踊於拊而窺客注凡無高下有絕加躡板曰拊齊人語 十五年魯人徐傷歸父之無後也注徐者皆共之辭也關東語

襄五年往殆乎晉注殆疑讎于晉齊人語

十六年君若贅旒然注若今俗名就壻爲贅壻矣

三十年更宋之所喪注如今俗名解浣衣復之爲更衣

昭二十五年再拜顙注顙者猶今叩頭矣

定元年不葺城注若今以草衣城是也

哀六年于諸其家注于諸寘也齊人語也

十二年用田賦注若今漢家斂民錢以田爲率矣

說文

漢律曰祠祗司命

祗甲履切以縣祠司命

漢律會稽獻鰓一斗

魚既切煎茱萸

漢令曰趣張百人

車者切距也

麗漢令鬲从瓦麻聲

漢令曰蠻夷長有罪當殊之

漢律令篔簹小筐也

漢律能捕豺豸購百錢

漢律會稽郡獻鮫醬三斗

蚌也
巨乙切

漢律曰婦告威姑

絳籀文繒揚雄以爲漢律祠宗廟丹書告

漢律民不繇貲錢二十二

漢律曰綺絲數謂之紕

治小切

布謂之總綬組謂之首

漢律曰膠田秣草

漢律曰及其門首洒漑

漢令蠻夷卒有頰

相主切
絳前兩足也

漢令解衣耕謂之襄

漢律曰賜衣者縵表白裏

漢律各舩方長爲舩鱸

漢律齊人子妻婢姦曰姘

左傳注漢律姘季父之妻曰報

漢律曰見姘變不得侍祠

樂浪挈令織从系从式

臣鉉等曰挈令蓋律令之書也

尉律學僮十七已上始試諷籀書九千字乃得爲吏

又以八體試之郡移太史并課最者以爲尚書史

書或不正輒舉劾之

徐鉉曰尉律漢律篇名

明堂月令玄鳥至之日祠于高禘

季夏燒雉

數

將饑終舩人習水

酌三重醇酒也明堂月令

曰孟秋天子飲酎

對或从上漢文帝以爲責對而爲言多非誠對也去其口以从士也

秦漢之初侍中冠駿驎冠

漢中有胸臆縣地下多此蟲因以爲名符信也漢制以竹長六寸分而相合

古者貨貝而寶龜周而有泉至秦廢貝行錢

秦以罪爲臯字

秦以臯似皇字改爲罪

漢今有髻長

秦謂民爲黔首謂黑色也周謂之黎民

漢有桐馬官作馬酒

後漢長沙王始煮州為醪

東齊壻謂之倩

今俗以始生子為鼻子

今逐疫有顛頭

祆胡神也 僧浮屠道人也 塔西域浮屠也

律歷書名五星為五步

洛陽名弩曰弮

穀改大剛邠以逐精鬼

高奴名引弓控弦

漢制

頊召公名式篇名醜

徐鍇曰史篇所作
奢頊十五篇也

按定朝那有湫泉

今鹽官入水取鹽爲拊

鷓走鳴長尾雉也乘輿以爲防鉉著馬頭上

角觶狀如豕角善爲弓出胡休多國

羌人所吹角屠屬以驚馬也 羌笛三孔

潁川人名小兒所書寫爲箝

古者玉瑄舜之時西王母來獻其白瑄前零陵文學
姓奚於伶道舜祠下得笙玉瑄夫以玉作音故神
人以和鳳皇來儀也

祕書瞋从戌

祕書說日月爲易象陰陽也

揚雄說以爲古理官決罪三日得其宜乃行之从鼎

从宜亡新以爲疊从三日太盛改爲三田

鬱鬯百艸之華遠方鬱人所貢芳艸合釀之以降神

鬱今鬱林郡也

檣柔木也工官以爲奘輪

檣柱砥古用木今以石

欄龜目酒尊刻木作雲雷象

蜀人聞子嚮鳴皆起云望帝

春分而禾生日夏至晷景可度禾有秋秋分而秋定

律數十二秒而當一分十分而寸其以爲重十二粟爲一分十二分爲一銖故諸程品皆从禾十髮爲程一程爲分十分爲寸

布之八十縷爲稷五稷爲秬二秬爲秠

右扶風有五時好時鄜時皆黃帝時祭或曰秦文公立也

司馬相如說淮南宋蔡舞吻喻也

監河東鹽池袤五十一里廣七里周百十六里

安定有鹵縣東方謂之席西方謂之鹵

鄜河東臨汾地即漢之所祭后土處

弘農謂帛帔也

幪南郡蠻夷實布

幡書兒拭觚布也

今鹽官三斛為一奉

居倦反

中婦人手長八寸謂之咫周尺也

頰太史卜書頰仰字如此

顛南山四顛白首人也

龠會稽山一曰九江當龠也民以辛壬癸甲嫁娶

廿氏星經曰太白上公妻曰女媀

女媀居南斗食獨天下祭之曰明星

冬至後三戌臘祭百神

又魚名皮有文出樂浪東曉神爵四年初捕収輸考

上

腰楚俗以二月祭飲食也一曰祈穀食新曰離腰

南方蠻閩从虫北方狄从犬東方貉从豸西方羌从

羊此六種也西南貳人焦僥从人蓋在坤地頗有

順理之性唯東夷从大一人也夷俗仁仁者壽有

君子不死之國

孔子曰道不行欲之九夷浮海有以也

周制天子地方千里分爲百縣縣有四郡故春秋傳

曰上大夫受郡是也至秦初置三十六郡以監其

縣

周景王作洛陽謏臺

尺氏切

揚雄賦響若氏隤

永肯切

歲貉中女子無絳以帛爲脛空用絮補核名曰縛衣

狀如襜褕

召上書者汝南許沖詣左掖門會令并齋所上書十月十九日中黃門饒喜已詔書賜召陵公乘許冲布四十匹即日受詔朱雀掖門敕勿謝

漢制攷卷四

踐阼篇集解

浚儀王應麟伯厚甫

大戴禮

踐阼篇

黃氏曰。此書世人罕有知者。東坡先生授余因曰。自典謨訓誥之後。維此書可以繼之。朱氏曰。武王踐阼之初。受師尚父丹書之戒。退而於其几席。觴豆刀劍戶牖。莫不銘焉。今其遺語尚幸頗見於禮書。願治之君。志學之士。皆不可以莫之考也。

武王踐阼三日

盧氏曰既王之後。皇極經世。巳卯。周武王伐商。

敗之于牧野。還歸在豐。踐天子位。

通鑑外紀武王元年巳卯。

呂氏曰踐履也。阼東階也。真氏曰阼者君之階。

故人君即位。謂之踐阼。

召大夫士而問焉。曰惡有藏之約。行之行。萬世可以

爲子孫恒者乎。

惡音烏。恒胡登反。通鑑外紀作行之恒。可以爲子孫常。

盧氏曰惡猶於何也。言於何有約言而行之。乃行

萬世而猶得其福。愚謂守約而施博者善道也。

傳之萬世。可以爲子孫常法。說文恒常也。

諸大夫對曰未得聞也。然後召師尚父而問焉。曰黃

帝顓頊之道存乎意亦忽不可得見

與

顓音專頊許玉反與音餘

學記注黃帝上有音字 正義曰大戴禮唯云帝顓頊之道無黃字或鄭見古本不與今詞或後人足

黃字

朱氏曰師尚父太公望爲太師而號尚父也

劉曰師

之尚之

五帝德孔子曰黃帝少典之子也曰軒

轅顓頊黃帝之孫昌意之子也曰高陽 盧氏曰

言忽然謂不可得見孔氏曰其道超忽已遠亦恍

惚不可得見與與語辭

師尚父曰在丹書王欲聞之則齊矣三日王端冕師

尚父亦端冕奉書而入負屏而立

齊側皆反屏卑井反見一作統奉芳

勇反 學記注王齊三日端冕 正義曰師尚父亦端冕案大戴禮無此文鄭所加也

盧氏曰端正也樹謂之屏 孔氏曰端冕謂衮冕

也其衣正幅與玄端同故云端冕

凡冕服其制皆正幅袂二尺二

寸袂尺二寸 皇氏曰武王端冕謂衮冕也樂記舞文侯端冕謂玄冕也

爾雅屏謂

之樹注小牆當門中

疏曰屏蔽也天子外屏在路門之外而近應門

王下堂南面而立師尚父曰先王之道不北面

學記大學之禮雖詔於天子無北面所以尊師也

王行西折而南東面而立師尚父西面道書之言曰

故勝怠者吉怠勝敬者滅義勝欲者從欲勝義者凶

折之設反 學記正義曰大戴禮云折而東面此西折而南南字亦鄭所加丹書之言曰敬勝怠者強怠勝敬者亡

皇氏曰。王在賓位。師尚父在主位。此王延之位。若尋常師徒之教。則師東面。弟子西面。與此異也。

真氏曰。武王之始克商也。訪洪範於箕子。其始踐阼也。又訪丹書於太公。可謂急於問道者矣。而太公望所告。不出敬與義之二言。蓋敬則萬善俱立。怠則萬善俱廢。義則理爲之主。欲則物爲之主。吉凶存亡之所由分。上古聖人已致謹於此矣。武王聞之。惕若戒懼。而銘之器物。以自警焉。蓋恐斯須不存。而怠與欲得乘其隙也。其後孔子贊易於坤之六二曰。敬以直內。義以方外。先儒釋之曰。敬立。

而內直義形而外方。蓋敬則此心無私邪之累。內之所以直也。義則事事物物各當其分。外之所以方也。自黃帝而武王。自武王而孔子。其皆一道與。程氏曰：敬義夾持，直上達天德自此。朱氏曰：敬便豎立，怠便放倒。以理從事，是義不以理從事，是欲敬義是體用，與坤卦說同。太公金匱曰：武王問師尚父曰：五帝之戒，可得聞乎？師尚父曰：黃帝居民上，惴惴若臨深淵；舜居民上，矜矜如履薄冰；禹居民上，慄慄如不滿日；湯居民上，翼翼乎懼不敢息；敬勝怠則吉，義勝欲則昌，日慎一日，壽終。

無殃 六韜明傳篇義勝欲則昌欲勝義則亾敬

勝怠則吉怠勝敬則滅荀子議兵篇敬勝怠則吉怠勝敬則滅計勝欲則從

欲勝計則凶 蓋出於此

凡事不强則枉弗敬則不正枉者滅廢敬者萬世史記

正義尚書帝命驗弗敬作不敬滅廢作廢滅

盧氏曰凡事不能自强則枉也 朱氏曰強者以

力自矯之謂若狗其所偏不自矯揉則終於枉而

已丹書三十九子

藏之約行之行可以爲子孫恒者此言之謂也

盧氏曰問先帝之道庶聞要約之旨故對此而已

且臣聞之以仁得之以仁守之其量百世以不仁得之以仁守之其量十世以不仁得之以不仁守之必及其世

尚書帝命驗作不及其世通鑑外紀學記正義作必頽其世

盧氏曰得之守之皆謂創基之君及其世謂止於其身也 愚謂孟子言師道之傳太公望見而知之於此可攷必及其世秦隋是也

王聞書之言惕若恐懼退而爲戒書於席之四端爲銘焉於几爲銘焉於鑑爲銘焉於盥盤爲銘焉於楹爲銘焉於杖爲銘焉於帶爲銘焉於履屨爲銘焉於觴豆爲銘焉於戶爲銘焉於牖爲銘焉於劔爲銘焉

於弓爲銘焉於矛爲銘焉

楊他歷反學記正義作楊然若懼几一作机與音管

洗也槃薄官反亦從皿學記正義作盂盤楹柱也矛句兵

盧氏曰託於物以自警戒也 朱氏曰銘名其器

以自警之辭也武王諸銘有切題者如鑑銘是也亦有不可曉者想古人述戒懼之意而隨所在寫記以自警省爾不似今人區區就一物上說

邕銘論曰 王踐阼咨于太師作席几楹杖器械之銘十有八章 鄧析子曰武有戒慎之銘

席前左端之銘曰安樂必敬

盧氏曰安不忘危 魏氏曰安樂必敬爲銘之首

敬者所以主此心而根萬善也

前右端之銘曰無行可悔

盧氏曰當恭敬朝夕故以懷安爲悔也

後左端之銘曰一反一側亦不可以忘

以忘一
作不志

盧氏曰言雖反側之間不可以忘道也

後右端之銘曰所監不遠視爾所代

爾一
作通

盧氏曰周監不遠近在有殷之世 真氏曰爾武

王自謂也代謂周代商安樂則易怠怠則必有悔

故孟子謂生於憂患而死於逸樂當寢而安逸欲

易作一反一側敬不可忘淫戲自絕視彼殷商銘

席四端爲心之防

几之銘曰皇皇惟敬口口生敬口生听口戕口口一無生

敬三字听許
候反一從言

盧氏曰听耻也言爲君子榮辱之主可不慎乎听
听詈也口戕口言口能害口也机者人君出令所
依故也 太公金匱武王曰吾欲造

起居之誠隨之以身几之書曰安無忘危存無忘
亡孰惟二者必後無凶

鑑之銘曰見爾前慮爾後

真氏曰鑑雖甚明見面而不見背猶吾一心有所

明亦有所蔽患常伏於照察所不及過常生於意慮所不周故雖聖人慄乎隱憂 太公陰謀武王鏡銘曰以鏡自照者見形容以人自照者見吉凶盥槃之銘曰與其溺於人也寧溺於淵溺於淵猶可游也溺於人不可救也

教作球

盧氏曰日知所亡學者之功溺於民庶太人之禍故或以自新取戒或以游溺爲鑑也 朱氏曰注云自新取戒蓋指湯之盤銘而言也盥盤銘因水起意 真氏曰盥沐之槃朝夕自潔因而爲銘與湯一轍溺人溺淵因水生戒蓋溺於深淵者猶可

以浮游而出一爲姦邪小人所感則陷於危亡而不自知故不可救愼夫壬人所以陷溺其君者于智百態使吾沉迷於旨酒厚味顛倒於豔色淫聲方恬安而莫覺倏患禍之遄興斯其爲患詎止於溺淵而已乎

楹之銘曰母曰胡殘其禍將然母曰胡害其禍將大母曰胡傷其禍將長

母音無猶今人言莫也

盧氏曰夫爲室者慎其楹君天下者難其相也

朱氏曰此亦泛言未必指楹爲相也 真氏曰殘害也斯銘凡三反復蓋人情每忽於窳微而禍也

常生於隱伏銘之於楹朝夕見之以敬以戒保於未危

杖之銘曰惡乎危於忿寔惡乎失道於嗜欲惡乎相忘於富貴

惡音烏一作於寔音至

盧氏曰惡乎何也忿者危之道怒甲及乙又危之甚杖故以危戒也杖依道而行之言身杖相資也因失道相忘乃嗜欲安樂之戒也 真氏曰忿寔怒也大易所貴懲忿窒欲逞忿者有危身之憂縱欲者有失道之辱杖之爲物于以自扶操之則安全有賴舍之則顛踣可虞富貴有滯易忘兢畏於

杖爲銘是或此義 太公金匱杖之書曰輔人無

苟扶人無咎

一作容

帶之銘曰火滅修容慎戒必恭恭則壽

恭一作共

盧氏曰雖夜解息其容不可以苟帶於寐先釋故
因言之也 朱氏曰恭主容敬主事恭見於外敬
主乎中 愚謂非禮勿動闇不欺也莊敬日強壽
之基也 太公陰謀武王衣之銘曰桑蠶苦女工
難得新捐故後必寒

履屨之銘曰慎之勞勞則富

盧氏曰行慎躬勞躬勞終福論慎履亦財不費也

履在下尤勞辱。因此爲戒。勞與富音義兩施。互取焉。呂氏曰。勤勞者立身爲善之本。不勤不勞。萬

事不舉。太公金匱書履曰。行必慮正。無懷僥倖。

觴豆之銘曰。食自杖。食自杖。戒之僇。僇則逃。

僇。居妖反。逸也。

盧氏曰。無求醉飽。自杖而已。太公陰謀觴銘曰。樂極則悲。沈湎致非。社稷爲危。

戶之銘曰。夫名難得而易失。無勲弗志。而曰我知之

乎。無勲弗及。而曰我杖之乎。

杖一作枝。勲一作勤。

盧氏曰。志識也。杖立不能懲其駑怠。而自謂杖成。功無可就。故終失其名也。

擾阻以泥之。若風將至，必先搖搖。雖有聖人，不能爲

謀也。

一無字也字

盧氏曰：搖搖無所託言，有風則先困，諭人行亦然。朱氏曰：無懃弗志，至擾阻以泥之，皆所未詳。要必有害於尸者，若風將至此，謂尸不固閉而動搖

也。太公金匱門之書曰：敬遇賓客，貴賤無二。尸之書曰：出畏之，入懼之。鑰之書曰：昏謹守，深察訛。牖之銘曰：隨天之時，以地之財。敬祀皇天，敬以先時。

一作隨天
時地之財

盧氏曰：時任也，財貝也。

一作質

先祭時而敬齊。朱

氏曰。牖下齊祭之處也。

詩傳室前東戶西牖。牖下則室中東西隅所謂與也。

真氏曰。天實生時。地實生財。而君用之。敢昧自來。祀以報本。亦必先時。匪物是貴。敬以將之。齊明盛服。對越上帝。於牖爲銘。朝夕是戒。太公金匱。牖之書曰。闕望審且。念所得可。思所忘。

劔之銘曰。帶之以爲服。動必行德。行德則興。倍德則

崩。

倍與背同音佩。

盧氏曰。以順誅也。真氏曰。崩傾壞也。劔之爲服。以示威武。然德寔威本。威迺德輔。惟德是行。無思不服。一於用威。祇取顛覆。頌頌獨夫。所責者劔。終

以自燔千古之鑑 太公金匱書劍曰常以服兵
而行道德行則福廢則覆

弓之銘曰屈申之義廢興之行

一作廢興之行

無忘自過

一作

息過

愚謂屈申之義以弓言廢興之行以身言修身

在知其過

矛之銘曰造矛造矛少間弗忍終身之羞矛一人所
聞以戒後世子孫

盧氏曰重言造矛見造矛之不易也言少間之不
忍則爲終身羞以君子於殺之中禮恕存焉貽厥
孫謀以燕翼子武王之詩也 真氏曰少間謂須

與也兵者凶器聖人所重苟非拯民其忍輕用
矛之造謹之戒之况於兵端一啓伏尸百萬流血
千里戕生靈之命奸天地之和者皆斯須不忍實
爲之寧王以此戒其子孫萬世人主可達斯言
太公金匱書鋒曰忍之須臾乃全汝軀書刀曰刀
利皚皚無爲汝開

朱氏曰此本大戴禮然多闕衍舛誤姑存其舊
洪氏曰武王銘諸物不曰視爾所代則曰溺不可
救不曰其禍將大則曰社稷爲危何其辭之嚴也
堯舜性之也湯武身之也身之則寧過於檢防求

進乎性之之域也 真氏曰湯武學而知之湯之
學於伊尹武王之問洪範問丹書卽格物致知之
事湯之不邇聲色不殖貨利以義制事以禮制心
銘盤以自警武王於戶牖楹席觴豆弓矛亦各有
銘皆誠意正心之事也 黃氏曰觀禮書得此銘
以鑒小人之影去道遠矣乃書於坐之左右以爲
息黥補劓之方 周氏曰武王畏聖人之言傳之
如此其敬後人安得不畏乎

太公陰謀筆之書曰毫毛茂茂陷水可脫陷文不活
筮之書曰馬不可極民不可劓馬極則躓民劓則敗

太公金匱冠銘曰寵以著首將身不正遺爲德咎
書車曰自致者急載人者緩取欲無度自致而反硯
之書曰石墨相著而黑邪心讒言無得汚白書并曰
原泉滑滑連旱則絕取事有常賦歛有節程子曰古
於樂目之於禮左右起居盤盂凡杖有
息皆有所養今皆廢此獨有理義之養心耳

有周盛時大訓在西序河圖在東序三皇五
帝之書外史掌之丹書蓋前聖傳心要典也
學記正義謂赤雀所銜丹書乃尚書帝命驗
識緯不經之言君子無取焉武王銘十有七

章蔡邕以爲十八章豈有闕文與大戴禮有
盧辯注今列于前鄭康成所引黃太史所書
攷其文之異者又采摭諸儒之說爲集解金
匱陰謀載武王銘書附著于末至於虞箴夔
歌見春秋內外傳夫以聖王治已養心表裏
交正如此况學者可不勉與有能左右觀省
朝夕習復若衛武公日誦抑戒之詩無有師
保如臨父母庶其寡過矣乎因書以自儆柔
兆淹茂歲孟陬三厚伯父謹識

踐阼篇集解